

335/2

LUGANDA

Paper 2

JULY/AUGUST 2010

2½ hours

## WAKISSHA JOINT MOCK EXAMINATIONS

Uganda Certificate of Education

LUGANDA

Paper 2

2 hours 30 minutes

### EBIGOBERERWA:

*Olupapula luno lugabanyiziddwamu ebitundu bisatu, A,B, ne C*

- *Ddamu ebibuuzo byonna mu kitundu A ne B.*
- *Mu kitundu C, ddamu ebibuuzo bisatu byokka ng'obiggya mu butabo obw'enjawulo.*

## EKITUNDU A

1. Soma ekitundu kino n'oluvanyuma oddemu ebibuuzo ku nkomerero yaakyo.  
(Obubonero 25)

Mu nnimi zonna ezoogerwa mu nsi mulimu ezimu eziyitibwa enkulu ennyo n'endala ezitali nkulu nnyo. Ennimi eziyitibwa enkulu ennyo ziba na bino:

Ziba n'ebitabo bingi ebyawandiikibwa edda muzu era n'eb'ennaku zino. Ebimu mu bitabo ebyo biba bya magezi aga buli ngeri ebyawandiikibwa bakagezimunyu mu biganbo bye baawandiikako. N'ebirala biba bya ngero enkadde n'empya eza buli ngeri.

Ziba zoogerwa abantu bangi, zoogerwa mu mawanga amayigirize ennyo era amakulu era ziba zeekenneenzebwa dda abakugu mu by'ennimi.

Mu biseera bino waliwo ennimi nga itaano ezirabika nga zirina ebigambo ebyo byonna ebina era nga ze zino; Olungereza, Olufalansa, Olulassiya, olusipeyini n'olugeremani.

Ku nnimi ezo omuntu asobola okwogerako obulungi ebbiri, aba yeesiimye. Asobola okwogera zonna ettano obulungi, oyo okwesiima kwe kuba kwa nsusso.

Obukulu n'omugaso gw'ennimi ezo bye byagazisa abantu b'amawanga agatali ga nnannyinizo okuziyiga. Naddala abantu abali mu nsi ezifugibwa n'ezirabirirwa amawanga ga nnannyini nnimi ezo enkulu, bateekwa buteekwa okuziyiga basobole okuwuliziganya nababa babalabirira.

Eyo y'emu ku nsonga ffe mu Buganda kyetuva twagala okuyiga obulungi olungereza. Naye ensonga esinga ddala obukulu y'eno nti, olungereza luli ng'oluguudo olunene oluyinza okututuusa ku nnyanja y'amagezi.

Ennyanja eyo y'e ndulundu y'ebitabo eby'amagezi aga buli ngeri ebyawandiikibwa edda mu lungereza, n'ebiwandiikibwa ennaku zino.

Nze ngamba nti ekyo kikafuuwe. Omuganda yenna asobola okukuba olungereza obudinda, asaana abe ng'amanyi nnyo n'oluganda. Tulaba nti n'abantu bomu mawanga amatonoto mu Bulaaya ne muni endala bwe bayiga olulimi ku nnimi zino ettaano enkulu, tebasuula lulimi lwaboobwe. Tebakoma ku butasuula nnimi zaabwe ez'obuzaaliranwa naye bulijjo bafuba era baafuba dda, nazo okuzikuza. Abantu bomumawanga gano; Italy, Holland, Denmark, Norway, Poland, Hungary, n'ensi endala, ennimi zaabwe bakyazoogera, era amagezi ge bayigira mu nnimi ezo gabamala okuba abagunjufu ddala. Anti obugunjufu tebuli mu kumanya nnimi wabula mukusobola okukozesa omutwe, n'omutima, n'emikono. Singa kiyinzika Buganda n'efuna ebitabo ebiri mu Luganda ebiyigiriza amagezi nga buli ngeri tewali nsonga eyandiganye abaganda okuba abagunjufu okugoberera abantu b'ommawanga g'omu Bulaaya abamu abatamanyi lulimi nalumu ku ziri enkulu zetulabye.

(Kisimbudda mu, Olulimi oluganda aka M.B. Nsimbi.)

**Ebibuuzo:**

- a) Ennimi enkulu ozirabira ku ki?

(Obubonero 4)

- b) Kiki ekyagazisa abantu b'amawanga ag'enjawulo okuyiga ennimi enkulu?  
(Obubonero 4)
- c) Leeta ensonga ssatu(3) kyetuva twagala okuyiga obulungi olungereza mu Buganda.  
(Obubonero 3)
- d) Lwaki omuwandiisi aleese ensi nga: Italy, Holand ne Denmark? (Obubonero 3)
- e) Omuwandiisi awadde nsonga ki egaana Abaganda okuba abagunjufu?  
(Obubonero 3)
- f) Nnyonyola amakulu g'ebigambo bino nga bwe bikozeeddwa mu kitundu  
ky'osomye; (Obubonero 5)
- kwa nsusso
  - okufuuka ffugge
  - adibage
  - okukuba obudinda
  - endulundu.
- Mu bibuuzo (g, h, i, j) kopolola ekisingako obutuufu. (Obubonero 4)
- g) Mutwe ki gwe wandiwadde ekitundu ky'osomye?
- Obutasuula nnimi enzaaliranwa.
  - Olulimi lukufuula omugunjufu
  - Bwoyiga olungereza ng'odibaga olulwo.
  - Olungereza nnyanja y'amagezi.
- h) Obugunjufu tebuli mu kumanya lulimi wabula buli mu...
- kudibaga lulimi.
  - kuba na lilimi lwo.
  - kusobola kukozesa mutwe, mutima n'emikono.
  - ku lwogera n'ofuuka ffugge.
- i) Omuwandiisi alaze nti omuntu afuna okwe nima okwensusso yoyo...
- Ava muni nga Italy ne Denmark.
  - Amanyi ennimi enkulu bbiri.
  - Atadibaga lulimi Luganda
  - Amanyi okwegera obulungi ennimi enkulu ttaano
- j) Ennimi omuwandiisi z'alaze nga zirina ebisanyizo ebizifuula enkulu ziri;
- Bbiri
  - Ssatu
  - Taano
  - Wakati we'ebbiri nenny.

**Turn Over**



## EKITUNDU B

### Kola 2a) ne (b)

(Obubonero 10)

2. a) Maliriza engero zino nga bwezoogerebwa:

- i) Embaga enyuma kiro.....
- ii) Agenda y'alaba.....
- iii) Amaanyi amecmanyee.....
- iv) .....bw'ekula ogyambalako eddiba.
- v) W'ova toyombye.....
- vi) Ssemuto wattira eggege.....
- vii) Empiiga n'empiga.....
- viii) Ebigambo bya kuno bingi.....
- ix) Ssebukoko buto.....
- x) .....y'alikusambya.

b) Nnyonyola amakulu g'engero zino wammanga:

(Obubonero 5)

- i) Gwomanyera mu nkejje, ewuwe alya luti.
- ii) Gyotega amaggwa bwebakugoba gye bakuzza.
- iii) Omuto mbuzi, terundwa wa kamwa.
- iv) Embwa yange tebba, ng'eyise ku lwaniko lwa taba.
- v) Ky'owola otudde, okibanja oyimiridde.

## EKITUNDU C

Ddamu ebibuuzo bisatu(3) mu kitundu kino ng'obiggya mu butabo bwanjawulo ng'akamu ku bwo ka bitontome.

**KIWANUKA MUSISI: Kikonyogo.**

**Kola 3a) oba 3b)**

3. a) Nga weesigama ku lugero Kikonyogo, nnyonyola ebikolwa omuntu by'asaanidde okwewala mu bulamu bw'ensi eno. (obubonero 20)

**Oba**

b) Omuwandiisi yeeyambisizza atya enkula y'ensi okuzimba olugero lwe?

**C. KALINDA: Pawulo Kirimuttu.**

**Kola 4a) oba 4b)**

4. a) Bintu ki Kalinda by'agezaako okuvumirira mu lugero lwe Pawulo Kirimuttu? (obubonero 20)

**Oba**

b) Ow'eno! Owange..... Tulo ki tweweebasse?

- i) Ani ayogera ebigambo ebyo era yali ayita ani? (obubonero 4)
- ii) Kiki ekyali kituuse ku oyo gwe yali akowoola? (obubonero 2)
- iii) Nnyonyola ebyaddirira amangu ddala ng'ebyo bya kabaawo. (obubonero 6)
- iv) Okuva ku katundu ako okutuuka ku nkomerero y'akatabo, laga ebizibu eby'enjawulo ebituuka ku Paulo Kirimuttu. (obubonero 8)

**WALABYEKI MAGOBA: Zonnampayippayi**

**Kola 5a) OBA 5b)**

- 5 a) Omuganda nnakabala bw'akyala mu maka ga Dokita Luti atulika n'aseka. Bintu ki ebiyinza okumuvirako okusekerera amaka gano? (obubonero 20)

**Oba**

- b) Bintu ki byetuyigira ku bantu bano mu muzannyo Zonnampayippayi?(obubonero 20)
- i) Kiyini
  - ii) Dokita Luti
  - iii) Harriet
  - iv) Maayi

**EBITONTOME EBITEESIBA: Tomasi Kagera**

- 6a) Soma ekitontome EKYALO MULEKWA n'oluvannyuma oddemu ebibuuzo ku nkomerero yaakyo .

**EKYALO MULEKWA**

Obugiddwa ensozi engolokofu  
Zitumbidde nnyo ngulumivu  
Zibwanyemu ng'emikomago  
Zirina embubbu tteete n'enkuli  
Kuliko obusaka ebyazi n'enjazi  
Ndabayo amagana ag'ente n'embuzi  
Waliyo enyange n'enanyonyi nkumu.

Olinayo obugga nsaalu n'enzizi  
Mw'ovuba ensonzi mpozzi n'emmale  
Ku kikko wali awaliimwa emmere  
N'awali amakubo ag'eka n'ettaale  
Nnengera enyumba czooleka ekkula  
N'eyomwami ow'essaza ekkulu.

Nsuku z'eno nazo zibala emmere  
Ettaka okulimwa lyanguya okkuza  
Busaka n'obubira mw'ofuna enkumi  
Ndabamu obukima n'ensolo nkumu  
Amakubo agazise agadda ku nzizi  
Lwaki okulima kwalema okkolwa?

**Turn Over**

Abantu be mpitako ye nga munyoto  
 N'ensuku ezizise nnanda na ssere  
 Nnyumba kwe nsoose omuddo mu lupya  
 N'eyokubiri abantu tewali  
 Obwana bwe ndabawo bungi ku kkubo  
 Buzanyirira bwonna bwa ssanyu.

Bwe nnyumyamu nabwo bundagirire  
 Ngenda gye simanyi ewa LUMU omuyi  
 Ne humbikira nti yaziikwa jjo  
 N'abalala nfaafa bafa buli olukya  
 Kyonna kizise; abeera muwere  
 Kyandituumiddwa erinnya mulekwa.

Bambi buli mu nziina bwerumaluma  
 N'obumu bukaaba nnyo busowottoka  
 Waasi wakati ye nju saasira ojune  
 Bwe buliri lye ssenge mwattu kye kiwu  
 Enkuba ne lw'ettonya n'ekuba emmome  
 Kyokka tebagyewogomye n'etobya abayi  
 Mpozzi ku nfugi ng'ezo oluusi kwe baba  
 Bonna ne balinyirirwa baalaba bali  
 Be bayinike ab'eno ab'oku luuyi lw'Afrika.  
 Ku luguudo lw'ekibuga Kampala eryo lye linnya  
 Kuliko abakungubaga bw'otunula n'obeesa  
 Muzibe bayinzeeyo n'ebibatu bya nkunku  
 Babirembeka ayitawo ow'ekisa oyo n'abajuna  
 Abamu babeekaanya balala babekkaanya  
 Bamu n'endusu ensowera byonna bya luganda ku bo  
 Be bayinike abaana ab'okuluuyi lwa Afrika.  
 Mweraba naye ennyiike ey'abatuuze b'Afrika  
 Ensuzi nkulungutana kuba nabo baazaalwa  
 N'ensolo nkumu ez'eka zibavuganya embeera  
 Mbeera kuba wa kisale nandikoze kye nnyinza  
 Ne mbasengula enguudo ne ntebenkeza ebyalo.

#### **Ebibuuzo:**

- i) Nnyonyola ku kifaananyi ky'ekyalo Mulekwa. (obubonero 7)
- ii) Nnyonyola ebintu omuwandiisi byakozesezza okusobola okuzimba ekitontome kino. (obubonero 6)
- iii) Ekitontome kino kikuteeka mu mbeera ki? (obubonero 3)
- iv) Nnyonyola amakulu g'ebigambo bino nga bwebyeyambisiddwa mu kitontome. (obubonero 4)
  - ebigiddwa
  - munyoto
  - ekkula
  - omuyi

#### **Oba**

- 6b) "Bwentyo ne ndowooza nti yaakatunaazaako amaziga, n'okutubeesabeesa ng'a tuyiyiza n'okutuwandikira ebitontome ebinyuvu.." Laga engeri Kagera gy'atuukirizaamu essuubi ly'omwanjuzi ono. (obubonero 20)



**MASAGAZI NE BANNE: Balya n'ensekeezi**

- 7 a) Soma ekitontome ENSI SIGITEGEERA n'oluvannyuma oddemu ebibuuzo ku nkomerero yaakyo.

**ENSI SIGITEGEERA.**

Neetooloovu nga nnamuziga  
Ate yaseeteera ng'emmeeza  
Wabula yannema okukenga

Ensi!  
Nagibuukako dda nze nagikkuta bumere  
Nagikuukako nagita ngiwanda na lulu  
Muntu agireetako eryanyi anaalaba bikulu  
Birimuviiramu mu maaso biriba bya ndasi  
Biraba bya naku.

Ensi!  
Baagirabirawo abagezi ne bagerenjula:  
Gavugira aliwo ogamanyi amagoma Ssebo  
Akusekera leer'ekya akuyita bbali  
Gw'oliwonya eggere at'olwo y'alikusambya .  
Gw'olya naye enjokerere mbu "oyo dduma bikalu"  
Olwo abibotodde.

Kulembera ndabe entumbwe y'agikulega  
Tunaayita babiri ng'akawala akatebuse  
Woligwa we ndigwa ku ssaawa emaliriza  
Ogenda ku lulwo bye yawera tadjukira.  
Olwo ng'akudduka!

Ensi!  
Olizaalibwa bw'oti bonna liba ssanyu  
Lusuumukamu bwoti nti "aliba mpiri"  
W'o fliira nga bakunyiyiddwa bakukkuse  
Sso nno nga mpaawo baaba kye wabakola  
Okwekoboggoza mbu "lutowonye luyanguye"  
Nze olwo ne ntamwa.

Ensi!  
Bw'oba omusomi nti asoma ki omubbi omukenkufu?  
Atagisoma olwo ofuuka alina eddogo  
Bw'ogeziwala nti "Sso nga ganaamwesera."  
Bw'osiriwala nti "nakyo kyayinga bumpeme"  
Olwo owuttuse.

Ensi!  
Bw'oba omugabi nti "owa nga baneegula!  
Bw'okodowala nti "ggaamu amuli mu ngalo."  
Lw'osanyukako nti "owa nga tunectamwa"  
Bw'onakuwala nti "waggume tagendeka"  
Olwo obizze.

**Turn Over**

Ensi!

Omweru ow'ebhala eddungi eyalungiwa  
Nti "yayeruka nga kino kye bakama!"  
Kaddugala ow'erangi ebasaaliza  
Mbu "Yii n'enziziri yalungiwa!"  
Olwo okutuza ndiga!

Ensi!

Bw'oba omumpi ng'eno mbu eyesezebwa  
Nti "mumpi awunya itaka kalabe nno gye kakoma!"  
Bw'oba omuwanvu lwadagada omugoggofu  
Nti "nyaabula lulabe n'empewo erukasuka"  
Olwo ofuuse lusolobyo!

Ensi!

Ow'akabina mbu "simanyi nsejjere eyingira nkata?"  
Atakalina nti "olinga luno mwe tuyita!"  
Bw'oba omunene mbu "gulinga gusolosolo"  
Bw'oba ornutono ennumba olwo  
ogifaananye  
Olwo wakenduka

Ensi! Agitegedde nkusaba okole kino:  
Weereza Katonda wo Lugab'eyakukola  
Beera mwesigwa wadde tebasima tebalaba  
Beera mwamufu y'alikuweera eyagereka  
Olwo akuwummuze.

**Ebibuuzo**

- i) Lwaki omuwandiisi addingana ekigambo "ensi"? (obubonero 05)
- ii) Mutwe ki omulala oguyinza okutuukira ku kitundu ky'osomye? (obubonero 02)
- iii) Abawandiisi boolesezza batya obukugu mu kitontome kino? (obubonero 08)
- iv) Omutontomi ali mu mbeera ki? (obubonero 02)
- v) Omuntu ategedde ensi, omutontomi amuwa magezi ki? (obubonero 03)

**Oba**

- b) Nnyonyola ebintu ebiraga nti Masagazi ne banne beetegereza nnyo ensi nga bayita mu bitontome bya Balya n'enseekkezi. (obubonero 20)

**BIKOMYE**



335/2  
LUGANDA  
PAPER 2  
JULY/AUGUST 2011  
2½ hours



## WAKISSHA JOINT MOCK EXAMINATIONS

Uganda Certificate of Education

LUGANDA

Olupapula olw'okubiri

Essaawa Bbiri n'ekitundu.

### EBIGOBERERWA:

*Olupapula luno lugabanyiziddwamu ebitundu bisatu, A,B, ne C*

- *Mu kitundu A ne B ebibuuzo byonna bya buwaze.*
- *Mu kitundu C, ddamu ebibuuzo bisatu byokka ng'obiggya mu butabo obw'enjawulo.*

## EKITUNDU A

### 1. Soma ekitundu kino n'oluvanyuma oddemu ebibuuzo ku nkomerero yaakyo. (Obubonero 25)

Ekigambo kwanjula kyekikozesebwa omuwala bw'aleetera bakadde be omulenzi n'amubanjulira ng'ayita mu omu ku ba ssenga be. Omulenzi okutuuka ku lunaku lw'okwanjula aba amaze okulabagana ne Ssenga ne bakkiriziganya nti y'agenda okutwala omuwala waabwe babeere omwami n'omukyala. Omulenzi bwagenda mu bazadde b'omuwala nga abatwalidde ebirabo aba agenze kwanjulwa. Omukolo guno mukulu nnyo mu bulombolombo bwaffe era gusaana okutwalibwa nga gwa kitiibwa. Ekimu ku bikulu ebigendererwa mu mukolo guno be bazadde b'omuwala. abooluganda abatono ennyo okulaba mu butongole omulenzi agenda okutwala muwala waabwe era ono y'entandikwa y'olugendo lw'obufumbo.

Omukolo gw'okwanjula edda gwabanga gwa kyama nnyo era nga gubeerako abantu batono ab'omunda abataabikkule kyama na kulaalasa nti Nalwoga muwala wa Nsubuga ayanjudde omulenzi Bbosa. Mu kyama kino mwalimu okwekengera n'okuwanuza eddoga, okukonjera oba okutemerera omuwala agagambo n'ebirala ebyayinzanga okuvaamu okumulekawo. Abooluganda nabo mwabangamu abakwatirwanga omuwala ensaalwa ne bamutemerera ebigambo omuwala amukyawe. Omukolo gwatekebanga mu ngeri esinga okuba ey'ekitibwa ennunnamu ku njuyi zombi olw'omulenzi n'olwomuwala era nga tekubeerako bantu bangi nga bwe kiri kati. Omukolo bweguggwa emirembe buba bukakafu nti abazadde b'enjuyi zombi bakkirizza abaana baabwe okubeera abafumbo omwami n'omukyala.

Eky'okufumbiriganwa kintu kikulu nnyo era ne mu byawandiikibwa ebitukuvu bikakasa nti kyekimu ku by'obutonde wakati w'omusajja n'omukazi omuli ebigendererwa ebiwerako. Mulimu ekya buli omu okubeera ne munne nga babeeragana, basanyusagana awamu n'okuleeta n'okukuza ezzadde eddala erinavaamu abantu abalala abomugaso mu nsi. Mu lubereberye 2:18 mukama Katonda akkatiriza obukulu bw'obufumbo n'ayogera nti sikirungi omuntu okubeeranga yekka, bwatyo n'amukolera omubeezi amusaanira.

Ensangi zino omuwendo gw'abantu abawerekera omuko gugenze gugejja songa edda kyatwalibwanga nnyo okuba ekizibu okumanya ekiri mu mutima gwa buli muntu. Mu bawerekedde muyinza okubaamu abakola ebitasaana oba okwogera ebyensumattu abakulu ne basunga omuko obungi bw'abantu abajja mukwogereza, kifudde omukolo okuba embaga ewedde emirimu. Omulenzi afuba okutwala oba okusabibwa ebintu bingi ate n'abazadde nabo ne bafuba okutegekera abako olukunkumuli. Kituuse okweralikiriza abaana w'amu n'abazadde olw'ensimbi ennyingi ezeetaagisa okutegeka omukolo olw'ebyetaago ebiri ku njuyi zombi. Wandibaawo okwerallikirira nti abamu bandituuka okulemwa emikolo gino oba abamu ne bafuba naye nga bayise mu kwewola olwo bwe bamala okwanjula, embaga ne zibalema olwa ssente zona okuggweera mu kwanjula ate nga basigadde mu mabanja. Abalina obusobozi obutono bwe balaba abatutte enkuyanja y'ebintu ku buko bafuna okutya era ekivaamu be bawala okukaandalirira awaka. Abawala bwe bakandaalirira ku lugya olw'abalenzi okulemwa okufuna entwala y'ebintu by'okutwala ku buko nga beesitula kugenda kwefumbiza.

(kisimbuddwa mu kwanjula mu Buganda ekya Bapere Luggya – Lwasi)

**Ebibuuzo:**

- a) Omuwandiisi alaze kigendererwa ki ekiri mu kwanjula? (Akabonero 1)
- b) Omuwandiisi atukubira kifananyi ki ku mukolo gw'okwanjula okwedda (Obubonero 4)
- c) Lwaki omukolo gw'okwanjula okwedda gwabanga gwa kyama? (Obubonero 6)
- d) Nokolayo ebigendererwa by'okwanjula bisatu ng'omuwandiisi bwabiraze. (Obubonero 6)
- e) Nnyonyola ebigambo bino nga bwe bikozeeddwa mu kitundu ky'osomye. (Obubonero 4)
- i) Okukonjera.
  - ii) Okwekengera
  - iii) Babeeragana
  - iv) Olukunkumuli
- kubino ebikuweereddwa wammanga (f,g,h,i) londako ekisinga obutuufu oluvannyuma okikoppolole.
- f) Ebyawandiikibwa ebitukirivu omuwandiisi aleese byaki?
- i) Okulaga nti n'obufumbo buba butukuvu
  - ii) Kukatiriza bukulu bwa bufumbo
  - iii) Okulaga nti si kirungi omuntu okubeera nga yekka.
  - iv) Okulaga nti buli ekiri ku nsi katonda ye yakitonda.
- g) Omuwandiisi afananye okuvumirira eky'okutwala abantu abangi mu kwanjula lwaki?
- i) Balya nnyo
  - ii) Obulako w'obatuuzza
  - iii) Abasinga baba basunzi
  - iv) Muyinza okubaamu abakola ebitasana.
- h) Omuwandiisi akiraze lwatu nti bangi kubawala abeefumbiza kiva ku?
- i) Bako kwogera bya nsumattu
  - ii) Bako kugenda bangi ku buko
  - iii) Okukandaalirira awaka
  - iv) Bako kutwala nkuyanja y'ebintu.



- i) Okusinzira ku kyosomye mu kitundu kino ekigambo kwanjula kitegeeza?
- Omuwala okutwalira bakadde be omulenzi anaamuwasa
  - Omulenzi okutwala ebintu mu bazadde b'omuwala
  - Omukolo ogw'ekitiibwa mu bulombolombo bwaffe.
  - Omwogezi okwanjula ebirabo by'abazadde.

**EKITUNDU B**  
**Ddamu namba 2(a) ne (b)**

(Obubonero 10)

2. a) Maliriza engero zino nga bwezoogerebwa
- Amaanyi ameemanye.....
  - Tokiiya nponge nto.....
  - Asooka okwekweka.....
  - Ssemuto w'attira eggege.....
  - Ebigambo byakuno bingi.....
  - .....edibya mutere.
  - .....bukunga kyebunaamalawo
  - .....be balima akambugu
  - .....omulungi takimanya.
  - .....tazibirirwa budde.
- b) Nnyonyola amakulu g'engero zino wammanga ag'omunda:
- Ebirwa byelabirwa amalusu gafuuka engeregeze.
  - Embiro entono zikira okwekweka.
  - Amagezi muliro bweguzikira ogunona ewamunno.
  - Akajja obunaku keemanya ejjanzi teribuuka nanzige.
  - Gwe kitaliiridde nnyina nti linda bukye.

(Obubonero 5)

**EKITUNDU C**

**Ddamu ebibuuzo bisatu(3) mu kitundu kino ng'obiggya mu butabo bwanjawulo ng'akamu ku bwo ka bitontome.**

**CRANMER KALINDA: Pawulo Kirimuttu.**

**Kola 3a) oba 3b)**

3. a) "Mubutuufu tusanyuse nnyo okubeera naawe..... naye ekyo si kyenakuyitidde".
- Ani ayogera ebigambo ebyo era abigamba ani? (Obubonero 2)
  - Omwogezi w'ebigambo ebyo yali amuyitidde ki? (Obubonero 2)
  - Gwebagamba ebigambo ebyo yaganyulwa atya mu bantu b'ekitundu ekyo? (Obubonero 2)
  - Agambibwa ebigambo ebyo nsobi ki zeyakola ngali n'abantu b'ekitundu ekyo. (Obubonero 8)

**Oba**

- b) "Olugero lwa Kalinda Pawulo Kirimuttu lulambika bulungi ebizibu ebiri mu bulamu obwabulijjo" Taanya endowooza eno.

**WYCLIFF KIYINGI: GW'OSUSSA EMMWANYI.**

**Kola 4a) oba 4b)**

4. a) Abayivu mu muzannyo gw'osussa emwanyi beenyigidde batya mu kulinyirira eby'obuwangwa bwabwe? (obubonero 20)

**Oba**

- b) Kiyingi atuzimbide atya abantu bano mu muzannyo gwe Gw'osussa emmwanyi.  
i) Bannakyalo (obubonero 10)  
ii) Bannakibuga (obubonero 10)

**G.MUKASA ROBERT: Tokiia n'ongenge nto**

**Kola 5a) OBA 5b)**

5. a) Buli muwandiisi w'olugero, talemwa kutobeka mpisa za nsi mw'ebyo byatottola. Kino Mukasa Robert akiraze atya mu Tokiia n'ongenge nto? (obubonero 20)

**Oba**

- b) Omuwandiisi Robert G.Mukasa ntanda ki gyasibirira abantu be ngayita mu lugero lwe Tokiia n'ongenge nto. (obubonero 20)

**MASAGAZI NE BANNER : Balya n'ensekezi.**

- 6a) Soma ekitontome kino n'oluvannyuma oddemu ebibuuzo ku nkomerero yaakyo .

**ESSANYU**

Essanyu bajjajjaffe okuligeza  
Ku ly'owa gonja ogamba baali beebafu?  
Anti likwebuza likuddusa  
N'obugujjana obulako n'obutuuliro.

Bigezo ng'oyise olwo kiba kikujjuko  
N'omutambuze ojula okumuyita abirumike  
Okirako akimezezza okw'enjala  
Ayaluza enkoko omukira mu kwetala.

Ng'ofunye lupiiya nkumu ezitagambika  
Essanyu bukule busekooseko  
Oyagala obaweemu bannoobo bwe musula  
Anti ng'okujaganya okujaguza kukutembye

Kabuladda aboneseekeo akukyalire  
Kaluulu n'olaya n'obugalo ne buvuga  
Bifuba mubigwamu n'obwala ne mukaza  
Zikimeeme ne sseggwanga ne zisalwa.

Gw'oyagala gw'osuuta gye gusula  
 Bwe gubasaza mu kabu nga muli naye  
 Essanyu, obukule n'obulali ne mutema  
 Buwoomereze okirako ak'olwegguloggulo.

Omulwadde assuuse Katonda yeebale  
 Essanyu! Buyinike olwo bukomye  
 Oguze kano na kali mbu omusanyuse  
 Naawe olage essanyu lyo ng'assuuse.

Mu ssanyu njuba ekwakira mu bujjuvu  
 At'obunyonyi bukaaba nga bamalayika  
 Bimuli birabika ng'ebisekaaseka  
 N'omuddo ku ttale ne guba ng'omucamufu!

**Ebibuuzo:**

- i) Bintu ki ebyenjawulo ebireeta essanyu mu bulamu. (obubonero 5)
- ii) laga obukugu bw'omutontomi mu kuzimba entunnusi mu kitontome ekyo waggulu. (obubonero 5)
- iii) Menya ebifaananyi eby'eyolese mu kitontome ekyo waggulu (obubonero 4)
- iv) Nnyonyola ku nsengeka y'ekitontome kino. (obubonero 6)

**Oba**

- 6b) Nyonyola ensonga ezaagazisa abantu ebitontome bya Masagazi ne banne? (obubonero 20)



PHOEBIE MUKASA: JJANGU TUTONTOME

Kola 7a) oba 7b)

- 7 a) Soma ekitontome kino n'oluvannyuma oddemu ebibuuzo ku nkomerero yaakyo.

ENKULA Y'OMUNTU

Waliwo emitwe,  
Emitwe egy'enjawulo,  
Waliwo ogw'ensoomi,  
Waliwo ogw'enkoona,  
Ate ogw'ekibumbuli,  
Tulina ogw'enseenene,  
Waliwo ogw'amasiga,  
N'ogw'ekibuutabuuta.  
Kyokka era, gyonna mitwe!

Tulina amaaso,  
Amaaso aga buli ngeri,  
Waliwo ag'endege,  
Waliwo ag'engege,  
Ate ag'oluwuka,  
Tulina aga nnawolovu,  
Waliwo ag'olwenge,  
N'ag'obutuli bw'eddiba,  
Era n'ag'endali,  
N'ag'olutule,  
Kyokka era, gonna maaso!

Twakula amaabeere  
Amaabeere aga buli kika,  
Waliwo ag'ensuubo,  
Waliwo nnambaalaala,  
Ate ag'empummumpu,  
Tulina ag'ebiteeko,  
Waliwo ag'eppaapaali,  
Nambaalaala omusajja  
N'omukazi,  
N'aga nnansale,  
Kyokka era, gonna mabeere!

Baatuwa amagulu,  
Amagulu ag'enjawulo  
Waliwo ag'enkobogo  
Waliwo ag'ebitege

Ate ag'obutagali,  
Tulina ag'ekiyima,  
Waliwo era n'agakalegete;  
N'ag'ensaamu,  
N'ag'eminyolo,  
Kyokka era, gonna magulu!

Twekulira enviiri  
 Enviiri eza buli nkula,  
 Waliwo mumyerere,  
 Waliwo ne kaweke,  
 Ate ne masadde,  
 Tulina eza kakupe,  
 Ne kaweke owa kakumemme,  
 Ez'omuwemba,  
 Kyokka era, zonna nviiri!

Tulina ebyenyi,  
 Ebyenyi eby'emisono,  
 Waliwo eky'ensonda,  
 Waliwo eky'amasega,  
 Ate eky'olubiri,  
 Tulina n'eky'empumi,  
 N'eky'ekiwalaata,  
 N'ekyenyi nkuku,  
 Kyokka era byonna byenyi!

Tulina emimwa,  
 Emimwa egyo egy'enjawulo,  
 Waliwo egy'olugali,  
 Waliwo egy'ensumbi,  
 Ate n'egyo egy'entamu,  
 Awamu n'egy'omuntu,  
 Kyokka gyonna, era mimwa!

Twaweebwa ebitundu,  
 Ebitundu bingi nnyo,  
 Naye sibimaleeyo,  
 Naawe noonya ebisigadde,  
 Omanyen enkula zaabyo!

#### **Ebibuuzo**

- i) Bintu ki kw'osinzira okukakasa obunyuvu bw'ekitontome kino (obubonero 06)
- ii) Omutontomi asaze magezi ki okutonda entunnusi mu kitontome kino? (obubonero 06)
- iii) Omutontomi ayise mu mitendera ki okussa ekitundu kino mussa ly'ebitontome? (obubonero 06)
- iv) Bubaka ki obuli mu Sitanza esembayo? (obubonero 02)

#### **Oba**

- b) Weeyambise ebitontome bya Pheobe Mukasa kkumi(10) okuva mu kitabo jjangu tutontome onyonyole emiramwa gya buli kitontome. (obubonero 20)

#### **BIKOMYE WANO.**

335/2  
LUGANDA  
PAPER 2  
JULY/AUGUST 2012  
2½ hours



## WAKISSHA JOINT MOCK EXAMINATIONS

Uganda Certificate of Education

LUGANDA

Olupapula olw'okubiri

Essaawa Bbiri n'ekitundu.

### EBIGOBERERWA:

- Olupapula luno lugabanyiziddwamu ebitundu bisatu, A, B, ne C
- Ddamu ebibuuzo byonna mu kitundu A ne B.
- Mu kitundu C, ddamu ebibuuzo bisatu byokka ng'obiggya mu butabo obw'enjawulo.



## EKITUNDU A

1. Soma ekitundu Kino n'oluvannyuma oddemu ebibuuzo ku nkomerero yaakyo. (obubonero 25).

Ddungu ye Lubaale w'ettale wamu n'abayizzi bonna mu Buganda gyebafa benkana. Batugamba nti Ddungu yali muntu eyaliwo edda ennyo nga n'eggwanga lino Buganda terinnabeerawo, kyebava bamuyita Omusangwa, anti abajja mu Buganda bonna baamusangawo. Yali musajja wa Lugave, yali muyizzi kkungwa era ng'obulamu bwe bwonna bwa kuyigga. Ebiseera ebisinga yabeeranga na mbwa ze zokka nga tabeera na bantu.

Yakeeranga kumakya n'agenda okuyigga n'effumu lye wamu n'embwaze. Yateganga olutuula oludda lw'ekizigo ate n'adda oludda olulala n'ayasira embwa ne zigoba ensolo. Era ensolo egenda okutoola mu lutuula nga yatuuse dda okugifumita era ensolo bw'etaagwanga mu kitimba ng'agigoba okutuusa lw'agitta. Era teyaddanga wuwe nga tannatta nsolo. Yayigganga obudde ne buziba ne bukya (ky'ova owulira nga bamuyimba nti; "Ayigga n'ekiro mu ttumbi").

Abantu baabanga beebase nga bawulira ayasira embwa nga n'ebide bivuga. Yali musajja muwanvu, wa kiwago, yayambalanga maliba ga nsolo nga makadde nnyo ag'obulere. Ddungu ono teyalyanga mmere nfumbe. Bweyattanga ensolo ng'akuma omuliro ku ttale ng'ayokya nnyamaye. Bweyafunanga emmere ng'ayokya njokye. Bweyamala nga okwokya ennyama n'emmere ng'akola olujjuliro nga batuula na mbwa ze nga baliira wamu.

Bwewaaberangawo omuyizzi yenna atasobola kugumira kya kuliira wamu nambwa oyo ng'omuyiggo gumusubye. Kigambibwa nti yafunayo omuntu omu yekka gwe baayitanga kayizzi eyasobola okuliiranga awamu n'embwa za Ddungu era Ddungu yagamba nga nti tasobola kwawulira mbwa ku muyiggo kubanga zo ze ziba ziyizze n'olwekyo nga tasobola kuzaawulizaako, Kazikwate ekifi kyezeesiimide zirye naye atolewo ekimusanyudde alye.

Ng'oggyeko ennyama, otwenge twali tumuwoomera nnyo era omuntu bweyagenda nga ewuwe n'amutwalira ku kireere ky'omwenge ng'ayinza okumupiika ennyama ejula n'okumutta.

Yalina embwa ye nga nzirugavu ya nnamaaso n'endala ng'erimu ebyakikuusikuusi n'ebiddugavu. Yo eyamunyanyiwe Kayizzi nga myufu. Mu byobuwangwa byaffe buli nsolo yonna enjizzi eyitibwa mbwa ya Ddungu nga engo n'empologoma; olw'okuba ziyigga nsolo zinnaazo kwe kuziyita embwa za Ddungu.

Enfa ya Ddungu tewali agimanyi. Anti teyatuulanga mu kifo kimu. Yagenda nga ayigga n'amala ebbanga nga talabikako ate baalabiranga awo ng'agguse. Ekyavaamu n'abulira ddala. Kale baayinzanga okuwulira ng'omuntu ayasira embwa mu ttumbi, okutuukayo nga tebamulabako. Abayizzi bonna mu Buganda omuyiggo bagwesigamya ku Ddungu, era tulina n'ennyimba eziwerako ezikwatagana ne Ddungu oyo nga zino;

i) Ddungu Ddungu muyizzi n'alengera gyezaaliira.

ii) Ddungu Ddungu ng'ayigga Namwabula.....

(Bisimbuddwa mu Entanda ya Buganda nnamba 3)

**Ebibuuzo.**

- a) Lwaki Ddungu ayitibwa omusangwa? (obubonero 2)
- b) Menya ebyevunyisa (4) ku musajja Ddungu. (obubonero 4)
- c) Ddungu yali musajja mwenkanya nnyo. Kino kyeyolese kitya mu kitundu ky'osomye? (obubonero 3)
- d) Leeta ebifaananyi (6) omuwandiisi by'atukubidde ku Ddungu. (obubonero 6)
- e) Nnyonyola amakulu g'ebigambo bino nga bwe bikozeeddwa mu kitundu ky'osomye. (obubonero 5)
- i) kkungwa
  - ii) n'ayasira
  - iii) okutoola
  - iv) ag'obulere
  - v) okumupiika

**Mu bibuuzo (f, g, h, i, j) koppelola ekisingako obutuufu. (obubonero 5)**

- f) Mu Buganda buli nsolo eyigga eyitibwa ya Ddungu kubanga:-
- i) Ddungu yaliira nga wamu n'embwa.
  - ii) Ddungu yali ayagala nnyo embwa ze.
  - iii) Ddungu nga tomwawula ku mbwa ze.
  - iv) Ziyigga nsolo zinnaazo.
- g) Bwewaabeerangawo omuyizzi yenna atasobola kugumira kyakuliira wamu nambwa oyo ng'omuyiggo gumusubye. Kino kitegeeze;
- i) Eby'okuyigga ng'abivaako.
  - ii) Nga tagabana ku nnyama eyiggiddwa.
  - iii) Embwa yazigobangawo ye n'afuna ennyama.
  - iv) Ng'asula n'okusiiba ng'ayigga.
- h) "Ekkumi terikyawa omu" Ddungu yalina mukwano gwe nga ye:-
- i) Kayizzi
  - ii) Embwaye enzirugavu
  - iii) Embwaye emmyufu
  - iv) Namwabula.
- i) Abayizzi bonna mu Buganda omuyiggo baagwesigamyanga ku Ddungu kubanga:-
- i) Baalina ennyimba ku kuyigga.
  - ii) Ebiseera ebisinga teyabeeranga na bantu
  - iii) Ddungu ye lubaale wettale n'abayizzi bonna.
  - iv) Teyaddanga wuwe nga tannatta nsolo.
- j) Omutwe ogwalituukiridde ku kitundu Kino gwe guno.
- i) Ddungu ne mbwa ze.
  - ii) Lubaaale Ddungu talya mmere nfumbe
  - iii) Ddungu tafanga.
  - iv) Ennyimba za Ddungu.



## EKITUNDU B

2. a) Maliriza engero zino nga bwezoogerebwa.
- i) Embaga enyuma kiro.....
  - ii) Agenda y'alaba.....
  - iii) W'ova toyombye.....
  - iv) Empiiga ne mpiiga.....
  - v) Gw'owonya eggere.....
  - vi) .....nti omwami yeesaze akajegere.
  - vii) .....endeku bw'ogigolola emenyeka bumenyesi.
  - viii) .....gali mu ngalo.
  - ix) .....tewona.
  - x) .....gw'olya naye y'akutta.
- b) Nnyonyola ebyokuyiga ebiri mu ngero zino. (obubonero 5)
- i) Wakka awunya nga ggwe omulumbye mu nswaze.
  - ii) Omuto mbuzi erundwa wakamwa.
  - iii) Gy'otega amaggwa bwe bakugoba gye bakuzza.
  - iv) Emmwanyi gye weesiga tebaamu mulamwa.
  - v) Gw'omenyera mu nkejje ewuwe alya luti.

## EKITUNDU C

Ddamu ebibuuzo bisatu mu kitundu kino ng'obijja mu butabo bwanjawulo.

### C. KALINDA - PAWULO KIRIMUTTU

Ddamu nnamba 3(a) oba 3(b).

3. a) "Kalinda agenderera kutukyayisa kitonde kikazi mu lugero Pawulo Kirimuttu" nga weeyambisa eby'okulabirako eby'enkukunala, kakasa endowooza eno. (obubonero 20)

Oba

- b) "Omulungi tabulako kamogo" Obulungi n'akamogo ka Pawulo, omuwandiisi abyolese atya mu lugero Pawulo Kirimuttu? (obubonero 20)

**ROBERT. G. Mukasa – Tokiia nηonge Nto.**

Ddamu 4(a) oba 4(b)

4. a) Olugero Tokiia nηonge nto lwoleka okudobonkana kwensi kwetuli. Kino kyeyolese kitya mu lugero? (obubonero 20)

Oba

- b) Abantu bano bazimbiddwa batya mu lugero Tokiia nηonge Nto?
- i) Kasobeza
  - ii) Ttiina
  - iii) Lujjwiiwira
  - iv) Peter.
- (obubonero 20)



## ABAYIIYA ABAJJA – MASAGAZI NE BANNE

Ddamu 5(a) oba 5(b)

5. a) Soma ekitontome kino n'oluvannyuma oddemu ebibuuzo ku nkomerero yaakyo.

ABASAMALIYA ABACAAFU

Mukeera mu masinzizo,

Musinze eyasinga.

Abasamaliya ababi mwe!

Abaana abaleera.

Asabiriza omujeezi

Mubayita kuli temunyega!

Abasiibirira enguuli,

Temunyeze kubanenya,

Mubalese kugula!

Abanywi b'enjaaye,

Temuteganye kubakomya,

Bafuuse bamawaya.

Abasazi b'ensawo,

Temuteganye kulabula,

Ziwembwe zitulidde!

Abalwadde abasiba,

Tebasuddwa ku mukono,

Balekwa kutondoka!

Emirambo gya luno,

Mugibuuse temugitya,

Abakubagizi babalwa!

Amabugo g'abafu,

Temutya, "mugecpena!"

N'omufu ammbibwa,

Mbu mugenda kusinza!

Abawe ki omusinzwa

Abasamaliya abacaafu!

Mukole ebirungi,

Abawe omusinzwa

Abasamaliya abalungi.

### Ebibuuzo

- i) Omutontomi alaze atya aneeyisa y'omuntu? (Obubonero 2)
- ii) Biki ebifuula ekitontome Kino okuba ekinyuvu? (Obubonero 8)
- iii) Ekitontome Kino kizimbiddwa ku miramwa ki? (Obubonero 6)
- iv) Nnyonnyola amakulu g'ebigambo bino nga bwe bikozeeddwa mu kitontome.
  - Omujeezi
  - Ziwembe
  - Omusinzwa
  - Balekwa kutondoka. (Obubonero 4)

### Oba

- b) Ekimu ku bigendererwa bya Masagazi ne banne mu kuwandiika ebitontome bya Balya N'enseekesi, kwekutulaga engeri ennungi gyetulina okweyisa eri bannaffe. (Obubonero 20)
- Nnyonnyola bulungi n'ebyokulabirako.

Bikkula

## PHOEBE MUKASA: JANGU TUTONTOME

Ddamu 6(a) oba 6(b)

6. a) Soma ekitontome Kino wammanga n'oluvannyuma oddemu ebibuuzo ku nkomerero yaakyo.

### ABASAWO

Abasawo, tubeebaza tutya?  
Abatusawula obulwadde obwa buli ngeri.  
Abatawuukana okukebera buli abatuukako.  
Katubeebaze, kuba basaana kwebaza.

Abasawo, tubaweere ki?  
Owomusujja, n'omutwe oyo bavumula,  
Ab'obusukko, n'olukuku, babajjanjaba,  
Ka tubeebaze, era basaana kwebaza!

Abasawo, tubakolere ki?  
Olaba ab'ebigenge ne ssumaama baabakwatako  
Abasajjuse amabwa ne babanyiga!  
Ka tubeebaze, ddala basaana kwebaza.

Abasawo, ka tubasiimeko,  
Olaba mukenga n'endwadde eziri mu nnyama!  
Ez'omu bwongo obwasabikwa ne muziringiza!  
Ka tubeebaze mazima basaana kwebaza.

Abasawo, ka tubasabire,  
Abazaalisa obwana obulemaganye,  
Abayulubuzo omuntu naddamu n'alama!  
Ka tubeebaze, wamma basaana kwebaza!

Abasawo ka tubawaaneko,  
Akalwadde akababuuka nga tekaliwona'  
Olaba bakyusa n'emitima, ba kawenkene,  
Ka tubeebaze aa basaana kwebaza!

Abasawo, ka tubawaaneko,  
Akalwadde akababuuka nga tekaliwona,  
Olaba bakyusa n'emitima, ba kawenkene,  
Ka tubeebaze aa basaana kwebaza!

Abasawo, mweyongere okukola,  
Tusanyukira omulimu ogwabakwasibwa,  
Temuterebuka eddagala bwe lisereba,  
N'okutukebera kwokka kutuwonyesa!

### Ebibuuzo

- i) Nyonyola ku nsengeka y'ekitontome ekyo. (obubonero 07)
- ii) Nyonyola ku nzimba y'amaloboozi agali mu kitontontome kino. (obubonero 05)
- iii) Menya embeera ezenjawulo omutontomi z'atuteekamu nga tusoma ekitontome ekyo. (obubonero 04)
- iv) Obukugu bw'abasawo bulagiddwa butya mu kitontome kyosomye waggulu? (obubonero 04)

**Oba**

- b) Phoebe Mukasa atunuuulidde atya obulamu obwa bulijjo ng'ayita mu bitontome bya Jjangu Tutontome? *(obubonero 20)*

**WYCLIFE KIYINGI – GW'OSUSSA EMMWANYI**

**Ddamu 7(a) oba 7(b)**

7. a) Nyonyola ebintu abalabi oba abasomi b'omuzannyo Gw'osussa emmwannyi byebavumirira ku bazannyi abatali bamu.

**Oba**

- b) Laga bulungi engeri Kiyingi gy'atuzimbiddemu abasajja mu muzannyo Gw'osussa emmwany.

**BIKOMYE WANO.**



335/2  
UGANDA  
PAPER 2  
JULY/AUGUST 2013  
2½ hours



## WAKISSHA JOINT MOCK EXAMINATIONS

Uganda Certificate of Education

LUGANDA

Olupapula obw'okubiri

Essaawa Bbiri n'ekitundu.

### EBIGOBERERWA:

- Olupapula luno lugabanyiziddwamu ebitundu bisatu, A, B, ne C
- Ddamu ebibuuzo byonna mu kitundu A ne B.
- Mu kitundu C, ddamu ebibuuzo bisatu byokka ng'obiggya mu butabo obw'enjawulo.

## EKITUNDU A

### 1. Soma ekitundu Kino n'oluvannyuma oddemu ebibuuzo ku nkomerero yaakyo. (obubonere 25).

Okufiirwa ennimi zaffe okulengerwa mu maaso, kulabika kugenda kuleetebwa abantu ab'enjawulo, okusookera ddala mu bakulu abavunaanyizibwa okusengeka eby'okusomwa mu masomero gaffe, abasomesa b'ennyini awamu ne bannannyini masomero okwo ssaako abazadde abasoma ennyo ennimi engwira, abatafuddeeyo kuwa nkizo nnimi zaffe enzaaliranwa nga mpozzi balowooza nti kasita abaana bamanyi okuzoogera oboolya vo abamu balowooza nga okukuza eggwanga lyaffe tuteekwa kuyiga nnimi ndala. Weewaawo ekyo kituyamba okumanya ebifa mu balala n'okukolagana naddala mu by'obusuubuzi, naye nga tekyanditugaanye kuyiga nakukuza nnimi zaffe n'okuzinoonyamu eby'anagezi ebiterekeddawamu, era n'ebyo byetusobola okwongeramu singa tuweereddwa omukisa okwetengerera mu nnimi zaffe.

Era waliwo n'amasomero agamu abasoosa abaana abasooka mu ssomero n'ennimi engwira ate nga za tteeka. Omwaka nga guweddeko ababa bakoze obulungi mu nnimi ezo babongera mu maaso nazo, so ababa bazigudde olwo ne babazza mu Luganda! Tolaba nga twekotoggera?

Mu kifo ky'okutandika n'olilimi oluzaaliranwa olwo ababa bakoze obulungi ne bongera n'ennimi engwira. Nsuubira nga ekyo kyandibaddemu eggumba okuwa omukisa buli omu okumanya olulimi lwe.

Tulabire ku mawanga amalala agakola ebintu eby'omugaso, nga babikolera mu nnimi zaabwe; Abagirimaani, Abangereza, Abajapaani, Abachina, n'abalala bangi, okukola bye bakola tebateekwa kusooka kusuula nnimi zaabwe n'okuyiga engwira. Ate nno buli omu nga yeemalirira, ggwe tova w'ovudde n'ogenda mu China nga weenaanise amataayi ng'olaga obukugu bw'olina mu lungereza, mbu, omanyaye bye bamanyi, tojja kubifuna, okuggyako ng'okkakanye wansi n'osooka okuyiga oluchina, olwo n'osobola okugabana ku magezi gaabwe. Era bwekiri ku buli ggwanga eririna keririna. Tewali lulimi lugatta Bulaaya oba Asia yadde nga bangi kubo balina ebigambo bingi nnyo ebyaggibwa mu nnimi endala.

Wano mu Africa abantu abamu balina endowooza egamba mbu oluswayiri lulimi lwa Africa. Weetegereze bulungi engeri oluswayiri gye lwassibwawo mu Africa oja kulaba ng'abatuuze b'a Africa balina akatundu katononyo, ettundu erisinga lya lulimi luwalabu. Mu Africa tekitwetaaza kugatta nnimi zaffe mbu tufune olufirika, terujja kujja. Turabire ku Runyakitala olwa bangwawo gye buvuddeko abatuuze bameka abalwenyumirizaamu ng'olulimi lwabwe? Okuggyako abo abalukolamu ebigezo oluggwa nga luterekebwa mu bitabo. Abooluganda buli omu asse omwoyo ku kwogera n'okuwandiika olulimi lwe, kasita oli aba ayagala okumutegeera amutegeera. Okwefuga kwaffe okutuufu, kujja kugererwa ku ngeri gyetusobola okwetengerera mu ngeri gyetusobola okwetengerera mu lulimi, eby'obulamu, ebyenfuna, eby'enjigiriza era n'ebyenfuga.

Bassebo ne bannyabo mwenna abalumirirwa enkulaakulana y'eggwanga lyaffe, musabibwa okuddamu okuteesa engeri y'okunnyikizaamu ensomesa y'ennimi zaffe enzaaliranwa tusobole okufuna abatuuze abanyikivu mu ggwanga lyaffe. Jjo luno Nnamunswa yalagira Abaganda okuwandiika eby'amagezi. Singa Kino kikoledwa bannaffe abalina ke balinawo, wamma ggwe twandibadde twenunudde okugeza abasawo, bannamateeka, bamakanika, abazimbi n'abalala okutuwandikira ebikwata ku bukugu mu mirimu egyo mu Luganda. Wattu omusomesa olaba otya singa essomo eryo ly'osomesa erikaluubirira ennyo abayizi olizza mu Luganda, tolaba nga bangi bandyongedde ku bubonero? Ekisinga okuwubisa ennyo abantu baffe ssikutegeera kinyusi naye buzibu bwa lulimi olusomesezebwamu ebyo. Sinsonga oba yadde obasomesezza mu lulimi lwe basinga okutegeera. Aboogezi b'oluganda bandikulaakulanye nnyo.



Abamu bayinza okutya olw'ebigambo ebimu ebiyinza okuba ebizibu okuzza mu Luganda, naye ekyo si kizibu, anti basobola okubigandawaza ne bifuuka bya Luganda, ekyo si kipya mu nsiike y'ennimi. Ennimi nnyingi nnyo enkulu zizze zitwala ebigambo okuva mu nnimi endala; okugeza, olulattini bw'oluggya mu oluyonaani lulagaya, olungereza nga nalwo olutoddemu olulattini, olugirimaani olufalansa n'endala nnyingi, nalwo lufuna emyagaanya mingi. Kale ekyo kireme kutibwa bannaffe abaganda okutuwandikira nga Omutanda bwe yalagira.

*(Kisimbuddwa mu lulimi oluganda olwatuyitimusa aka Prisca Nnakitto).*

**Ebibuuzo.**

- Okufiirwa n'okusaanawo kwe nnimi zaffe omuwandiisi asinze kukussa ku baani? (obubonero 4)
- Okuyiga ennimi endala kituyamba ki? (obubonero 4)
- Lwaki omuwandiisi atukubiriza okussa ennyo omwoyo ku nnimi zaffe enzaaliranwa? (obubonero 4)
- Abalowooza nti ebigambo ebimu si byangu kuzza mu Luganda omuwandiisi abawa magezi ki? (obubonero 2)

**C** Lecta ebyokulabirako ebiraga nti okwewola ebigambo mu nnimi endala sikiya ng'omuwandiisi bw'akiraze. (obubonero 3)

i) Nnyonyola amakulu g'ebigambo bino nga bwebikozeseddwa mu kitundu kyosomye.

- enkizo
- lulagaya
- weenaanise
- eggumba

Ku bino (g, h, i, j) genda ng'olondako ekisinga okuba ekituufu.

(obubonero 4)

g) Omutwe gwewandiwadde ekitundu kino gwe guno.

- Obukulu bw'ennimi enzaaliranwa.
- Ennimi zona zikoppa okuva ku ndala.
- Okwogera oluganda n'okuwandiika.
- Oluwalabu lwe lukola mu Africa.

h) "Luno jjo Nnamunswa yalagira Abaganda okuwandiika ebya magezi". Kino kitegeeza ki?

- Abaganda babadde bawandiika bya busiru.
- Kabaka yakubiriza Abaganda bajjumbire okuwandiika ku bintu ebizimba.
- Nnamunswa yalaba ng'ebyamagezi tebiriwo.
- Abaganda bakoppe abazungu n'aba China.

i) Omusomesa bw'asomesa essomo lye mu Luganda.

- Abayizi nabo bafuuka basomesa
- Abayizi bwebadde ebbali bennyonyola.
- Abayizi bafuna obubonero bungi.
- Abayizi bategeera nnyo ate mangu.

j) Omuwandiisi ategeezaaki bw'agamba :- "Era kiri kubu'i ggwanga eririna keririna"?

- Eggwanga eritatabulatabula nnimi.
- Eggwanga erisinzira abantu aboogera oluzaaliranwa.
- Eggwanga erikulaakulanye.
- Eggwanga erisomesa ennimi engwira.

**Bikkula**

**3**



**EKITUNDU B**  
**Kola 2(a) ne 2 (b)**

(obubonero 10)

- 2.(a) Maliriza engero zino nga bwezoogerebwa.
- i) Alima ne bba .....
  - ii) Ekisirisa afumba .....
  - iii) Empiiga n'empiga .....
  - iv) Akasukka omumiro .....
  - v) Akugoba .....
  - vi) .....ow'enkata tozinga.
  - vii) .....teguba muka.
  - viii) .....tekikugaana kumulagiriza.
  - ix) .....akira nakwagadde.
  - x) .....tebulamu zziika.

(obubonero 10)

- 2.(b) Nnyonyola amakulu g'engero zino ag'omunda.
- i) Eza kalimpaka ziggweera mu ssaazi.
  - ii) Alina embwa tasuula ggumba.
  - iii) Aganaanyuma tegalinda ηηoma kulaya.
  - iv) Enkumbi okubula ewa munafu mpoza.
  - v) Abangi webasimba olunwe we kyabikira.

**EKITUNDU C**

**Ddamu ebibuu zo bisatu byokka mu kitundu kino ng'obijja mu butabo bwanjawulo.**

**Wycliffe. Kiyingi – Gw'osussa emmwanyi**

**Kola 3(a) oba 3(b).**

- 3.(a) Laga engeri ez'enjawulo okusussibwa emmwanyi gye kweyolekera mu muzannyo  
Gw'osussa Emmwanyi (obubonero 20)

**Oba**

(b) ".....nze tonzannyisa, abakazi nina mukaaga abebweru nga sibaze...."

**Ebibuuzo.**

- i) Ani anyumya emboozi eyo era aginyumiza ani? (obubonero 2)
- ii) Nnyonyola anjawulo y'anyumya n'oyo gw'onyumiza. (obubonero 10)
- iii) Abali mu mboozi eyo waggulu bakiikiridde batya obulamu bwa bannayuganda? (obubonero 8)

**C. Kalinda: Pawulo Kirimuttu**

**Ddamu ekibuuzo 4(a) oba 4(b).**

4. (a) Nnyonyola emiramwa egy'enjawulo Kalinda kw'azimbira olugero Pawulo Kirimuttu.  
(obubonero 20)

**Oba**

- (b) Nnyonyola enneeeyisa y'abantu b'e Wabinoga etasaanira eri Pawulo. (obubonero 20)

**G. Mukasa Robert.— Tokiia ηηonge Nto.**

**Kola 5(a) oba 5(b)**

5. (a) Olugero Tokiia ηηonge nto lukoze luya ng'ettaala eri abavubuka b'akaco kano?.  
(obubonero 20)

**Oba**

- (b) Embeera z'abannakibuga Tokiia mweyakulira ze zaavaako okwonooneka kwe. Kubaganya  
chirowooza (obubonero 20)

**Pheobe Mukasa. Jjangu tutontome**

**Kola 6(a) oba 6(b)**

6. (a) Soma ekitontome chirowoozo oddemu ebibuuzo ku nkomerero yaakyo.

**EBIROWOOZO**

1. Ebirowoozo enkumu,  
Bwe bikujjula nnyini,  
N'olowooza ebyayita,  
Ate n'olowooza ebiddirira,  
Olwo n'osirukirira,  
Ate nga bw'olumwa!

2. Ebirowoozo byesomba,  
Ne byetuuma eggugu,  
Ne weebuuza ekyasoba,  
N'olowooza ekibula,  
Olwo n'osiriikirira,  
Ate nga bw'olumwa!

3. Ebirowoozo byetawula,  
N'olowooza eby'egindi,  
N'olowooza ab'egindi,  
Olwo n'osiriikirira,  
Ate nga bw'olumwa!

4. Abamu nga beebaka,  
Ebirowoozo tebyebasa,  
Osisimuka xnu tulo,  
N'ofiimitiriza,  
Ne weeraliikirira,  
Ate nga bw'olumwa!
5. Ebirowoozo byetawula,  
Bw'otoba mugumiikiriza,  
Bikusuza n'enjala,  
Bikubuza n'ekkubo,  
Olwo n'osiriikirira,  
Ate nga bw'olumwa!
6. Ebirowoozo jikozza,  
Bwe bikubugaana,  
Emboozi tekwana,  
So nga weegumya,  
Olwo n'osiriikirira,  
Ate nga bw'olumwa!
7. Ebirowoozo birwaza,  
Obulwadde obwa ddala,  
Ne bwe bakubembejja,  
Osebengerera era,  
Olwo n'osiriikirira,  
Ate nga bw'olumwa!
8. Bingi ebyeraliikiriza,  
Ng'ate eddagala mpaawo,  
Kale rmo bw'olowooza,  
Otabuka n'okamala;  
Olwo n'osiriikirira,  
Ate nga bw'olumwa!
9. Ebirowoozo nga byakuzize,  
Ne bw'olya obulingi,  
Emmere era tegenda!  
Olwo n'osiriikirira,  
Ate nga bw'olumwa!
10. Bw'obeera ne mukwano gwo,  
Ow'emmizi obulungi,  
Omugamba ekikukeeta,  
Ebirowoozo ne bikweewa!  
Olwo n'owummulako.  
Okumala akaseera!



**Ebibuuzo:**

- i) Omuwandiisi azimbye atya amaloboozi mu kitontome Kino? (obubonero 5)
- ii) Nnyonyola ensengeka y'ekitontome Kino. (obubonero 6)
- iii) Omuwandiisi agenderedde ki mu mnyiriri ebbiri z'agenda aseembya okuva ku sitanza esooka okutuuka ku eddirira esembayo? (obubonero 4)
- iv) Okusinziira ku kitontome ky'osomye ekitontomwako kirina buzibu ki eri omutontomi? (obubonero 5)

**Oba**

- 6.(b) Obulamu bwaffe obwabulijjo Mukasa abwolese atya mu bitontome bya Jjangu tutontome? (obubonero 20)

**MASAGAZI NE BANNÉ: BALYA N'E NSEEKEEZI****Kola 7(a) Oba 7(b).**

- 7(a) Soma ekitontome kino Mukakitange oddemu ebibuuzo ku nkomerero yaakyo.

**MUKA KITANGE**

1. Omukazi muka kitange mmwewuunya  
Omukazi muka kitange yansobera  
Omukazi oli bannange yantabula.
2. N'akutabako yenna n'asunguwala  
N'asunguwala yenna n'akwepimira  
N'akutunulira ng'akirako omubikirwa  
N'akambuwala gyobecira anyiziddwa  
N'atumbira n'aba ng'omugambeko  
N'akuzimbira n'akirako ng'obudde  
N'asuukiira n'akirako ng'enswera!
3. Sinugambako yenna ye wantiisa  
Akolaakola byonna by'akukangisa  
Amagamaga kyonna ky'akugobesa  
Anoonyereza akwegobeko akuddusa  
Yeekubakuba n'afunayo ekikutiisa  
Yeekaamwana akutiise omwamuke  
Akulyako n'akamere ng'otunulira!
4. Akuyigganya n'akirako omuwendule  
Akutigomya n'akirako omuwaggule  
Akukijanya sikulinba nkulabudde  
Akulangira takityamu nkubwulire  
Akugobaganya n'aba ng'atakumanyi  
Akuwemula n'aba ng'eyalobegwa  
Akusanjaga oli ggwe tomusaagira  
Akuliisa by'otomanyi wegendereze  
Akulogaaologa akutte oba osiriwale!

5. Akuwalana omukazi olw'obuzaale bwo  
 N'akuwalana bambi olw'effitinaye  
 Akuwalana oluusi olw'obulungi bwo  
 N'akuwalana mwattu olw'obuyisabwo  
 Akuwalana takutya olw'amagezigo  
 N'akuwalana ababe olw'obutasoma  
 Akuwalana bambi olw'obugagga bwo  
 N'akukyawa olw'abaana Katonda b'akuwa  
 Akukyawa olw'obusika obwa kabiite we!

6. Bwe weerwanako mwattu ku bikolwa bye  
 Omugambeko bambi akulekese  
 Okabeerako munnange nkulabula  
 Akuvumaavuma wenna n'akungula  
 N'akulangira ommulaba mu kamwa akake  
 N'akuliisa n'ebitundu ebitayogerwa  
 N'akuziikuza amagufa ag'abaasomoka  
 Bakitaawo, bannyoko abo n'abakuliisa  
 N'akukonjera ebingi eri Kabiite we  
 Obumere bw'abaana n'abukuliisa  
 Ebibulawo ate byo n'abikubbisa  
 Mu bajeemu ba leero n'akuteekamu  
 N'akusobera omukazi n'okaliirako!

7. Lwaki tandeka bannange simuliiko,  
 Wa bufambo bwe ebyobufumbo sibimany.  
 Lwaki tandeka ebyobusika sibiyagala,  
 Amagezi ge nafuna kye ky'obusika.  
 Lwaki tandeka siri mufumbi ewa Ssebo,  
 Wa buggya bwe ebyobyuggya sibiyinza.  
 Lwaki tandeka ng'ebyange si bye bibye.  
 Nze ne bwe ndifa ebyange talibiyinza.  
 Lwaki tandeka abooluganda abampalanya,  
 Abayigiriza ebikolwa eby'ebivve!

8. Omukazi muka kitange mmwewuunya.  
 Omukazi muka kitange yansobera.  
 Omukazi oli bannange yantabula!

#### **Ebibuuzo:**

- i) Nnyonyola ebifaananyi omuwandiisi by'akozesezza mu kitontome kino. (Obubonero 5)
- ii) Omutontomi ali mu mbeera ki? (Obubonero 2)
- iii) Nnyonyola enneyisa y'omuntu atontomebwako mu kitontome Kino. (Obubonero 8)
- iv) Omuwandiisi agenderera ki okutandisa ennyiriri essatu ezisooka ate n'azisembyayo ku sitanza esembayo? (Obubonero 5)

**Oba**

7(b) Nnyonyola engeri omuntu gy'alagiddwamu mu Balya N'enseekcezi. (Obubonero 20)

#### **BIKOMYE WANO.**

335/2  
LUGANDA  
PAPER 2  
JULY/AUGUST 2014  
2½ hours



## WAKISSHA JOINT MOCK EXAMINATIONS

Uganda Certificate of Education

LUGANDA

Olupapula olw'okubiri

Essaawa Bbiri n'ekitundu.

### EBIGOBERERWA:

- Olupapula luno lugabanyiziddwamu ebitundu bisatu, A, B, ne C
- Ddamu ebibuuzo byonna mu kitundu A ne B.
- Mu kitundu C, ddamu ebibuuzo bisatu byokka ng'obiggya mu butabo obw'enjawulo.



## EKITUNDU A

### 1. Soma ekitundu Kino n'oluvannyuma oddemu ebibuuzo ku nkomerero yaakyo. (obubonero 25).

Eddiini y'Abaganda ey'ennono ye nsinza emaze wano emyaka n'ebisiibo, abamu gye bayita okusamira. Eddiini eno abantu baffe gye bazze bakkirizaamu okumala ebbanga eddene nti newankubadde ezze eyigganyizibwa naye teweddeewo olw'ensonga nti ezze emalira abantu ebizibu byabwe.

Okugeza mu mwaka 1917: gavumenti enkuumi yalangiirira nti eddiini eno ewereddwa era amasabo agaazimbibwanga mu mpya olwo ne gazzibwa emmanju, ebiyigganyizo bwe byeyongera n'emmanju, ne gaggyibwayo, olwo ebigali ne bitandika kuteekebwa mu bubbo, mu bitanda wansi.

Ekyaleetera eddiini y'Abaganda okuyitimuka bwe busobozi bwayo okumalira abantu ebizibu byabwe, mu yo temuli kutiisa bantu nti waliyo omuliro ogutazikira oba puligaatooli, ekwata ku bantu n'obulamu bwabwe, eri mu bika byabwe byennyini n'olwekyo abantu tebali wala, ebali mu musaayi.

Buli ddiini ku zino empya yaggulako eddiini eno olutalo, naye ekyewuunyisa nti eddiini eno tebaanuukula ate ng'abantu bangi emisana baba mu ddiini mpya ekiro ne basooba ne bagenda mu ddiini y'Abaganda ey'ennono.

Wabula eddiini eno eyolekedde akatyabaga n'okukyuka ennyo olw'okukoppa eddiini engwira.

Eddiini engwira zajja n'ebintu nga okusomerera omuntu nga bagenda okumuziika, okugatta abagole, okusimba omusaalaba ku malaalo, okuyigiriza nti waliyo eggulu n'omuliro ogutazikira awamu n'okulangirira omuntu afudde mu lubu lw'abatuukirivu, okuba n'enzikiriza nti omuntu eyasooka okutondebwa yali musajja n'oluvannyuma omukazi n'atondebwa n'eddiini y'ennono n'ebikoppa.

Katulambulule ebintu ebyo. Edda omuganda bweyafanga nga bamuziika ne biggwa. Teri bya geyeeena yadde eggulu, bwewasobyanga nga bajjajja bakubonererezaawo ate bwewakolanga ekirungi nga bakuweererawo ng'okyali ku nsi, si byakulinda kumala kufa ogabane empeera oba obonerezebwe ng'eddiini engwira bwezibisomesa.

Kati mu ddiini y'ennono bafuna abasamize ne bambala ebyambalo ebikoleddwa mu mbugo okugeegeenya abafaaza ne basoma n'ebigambo ebigeegeenya abaawule nti, "Ebbombo mu bbombo; ettaka mu ttaka...."

Abasamize kati bagatta abagole. Obufumbo bw'Abaganda tebwabangamu kugatta bagole, mpozzi okwanjulwa, n'okuleeta omutwalo n'ebirabo. Wano jjo Ssaalongo Ben Ggulu bwafudde baamulangiridde mu lubu lw'abatuukirivu. Ani yali awulidde omutuukirivu mu kusamira.

*(Kisimbuddwa mu ENTANDA YA BUGANDA Ssebaaseka – muwakanya 2006).*

#### Ebibuuzo.

a) Ebintu ebyogeddwa ebyayitimusa eddiini y'Abaganda ey'ennono byebiriwa.

(obubonero 5)

- b) Laga ebireeta akatyabaga eddiini y'Abaganda byekoppye ku ddiini engwira.  
(obubonero 5)
- c) Laga engeri abakulembeze b'eddiini ey'ennono gyebagezezzaako okugeegeenya eddiini engwira.  
(obubonero 3)
- d) Bintu ki ebituufu ebikooneddwa mu bufumbo bw'Abaganda?  
(obubonero 3)
- e) Ab'eddiini ey'ennono baakola ekikolwa eky'obukugu mu kulwana olutalo n'eddiini empya.  
Kirage  
(Akabonero 1)
- f) Nnyonyola amakulu g'ebigambo bino nga bwebikozeseddwa mu kitundu kyosomye.  
i) N'ebisiibo  
ii) okuyitimuka  
iii) akatyabaga  
iv) okugeegeenya  
(obubonero 4)
- Ku bino (g, h, i, j) genda ng'olondako ekisinga okuba ekituufu.  
(obubonero 4)
- g) Eddiini ey'ennono.  
i) Yeesibuka mu nnono.  
ii) Y'ensinza y'Abaganda emazeewo emyaka n'ebisiibo.  
iii) Y'eddiini ey'omumasabo.  
iv) Y'eddiini etali ya Kkanisa.
- h) Abasamize bageegeenya abaawule nti;  
i) Ebbombo mu bbombo ettaka mu ttaka.  
ii) Evvu mu vvu ettaka mu ttaka.  
iii) waliyo omuliro.  
iv) waliyo eggulu.
- i) Omusamize eyalangirirwa abasamize mu lubu lw'abatuukirivu ye.  
i) Kabwa Kaganda.  
ii) Ye oyo eyakolera abasamize amateeka.  
iii) Ssaalongo Ben Ggulu.  
iv) Maama Fiina.
- j) Eyalangirira nti eddiini ey'ennono ewereddwa yali.  
i) Gavumenti eyawakati.  
ii) Gavumenti ey'abayeeekera.  
iii) Gavumenti ey'ennono.  
iv) Gavumenti enkuumi.



## EKITUNDU B

Ddamu 2(a) ne 2 (b)

(obubonero 10)

- 2.(a) Maliriza engero zino nga bwe zoogerebwa.
- i) Linda buwere.....
  - ii) Akajja obunaku keemanya. ....
  - iii) ..... takunoonya masasula.
  - iv) ..... gwe bazikuba.
  - v) Olima awatono... ..
  - vi) Oguliko omuseesa.....
  - vii) .....tegawala luga.
  - viii) .....yamezza Ssemitego.
  - ix) Atannaziraba.....
  - x) Entasiima.....

(obubonero 5)

- 2.(b) Nnyonyola amakulu g'engero zino agoomunda.
- i) Byampuna ng'akulabye wamunju.
  - ii) Owentono alunda zize ebisige tebyegatta na nviiri.
  - iii) Wotonnava toyonoona mu kisulo.
  - iv) Tokiyya njonge bw'ekula ogyambalako olukoba.
  - v) Emmwanyi gye weesiga tebaamu mulamwa.

## EKITUNDU C

Ddamu ebibuuzo bisatu ng'obiggya mu butabo obw'enjawulo.

W. KIYINGI : GWOSUSSA EMMWANYI

Kola 3(a) oba 3(b).

- 3.(a) Omuzannyo Gw'osussa Emmwanyi gulaga bulungi ekifaananyi ky'ensi yaffe gyetuwangaaliram. Nnyonyola n'eby'okulabirako.

(obubonero 20)

Oba

- (b) "Mukyala nkubuulire, okunzigya ewaffe n'ondeeta kuno ku kibuga mpozzi ng'ompa mutwalo omwezi..... "

- i) Ani anyumya emboozi eyo era aginyumiza ani?
- ii) Nsonga ki eziviriddeko omunyumya oyo okwekokkola ekibuga?
- iii) Bintu ki ebisibira omunyumya mu kyalo?

(obubonero 2)

(obubonero 10)

(obubonero 8)



**C. KALINDA: Pawulo Kirimuttu**

**Kola 4(a) oba 4(b).**

4. (a) "O! Jjajjange Kajjongolo! Oyo omusajja mufu"

(i) Ani ayogera ebigambo ebyo era musajja ki ayogerwako?

(obubonero 2)

(ii) Kiki ekyali kiguddewo?

(obubonero 2)

(iii) Laga ebiddirira oluvannyuma lw'okwogera ebigambo ebyo?

(obubonero 8)

(iv) Ayogera ebigambo ebyo omuwandiisi amuzimbye atya?

(obubonero 8)

**Oba**

(b) Okuzaalibwa n'okufa kwa Pawulo kweyolekeramu eby'obuwangwa ntoko. Nnyonyola bulungi eby'obuwangwa ebyo.

(obubonero 20)

**G. Mukasa Robert.— Tokiia ηηonge Nto.**

**Kola 5(a) oba 5(b)**

5. (a) ".....Oli muzira nnamige.... abavubuka b'omulembe guno obanyweddemu akendo."

(i) Ani ayogera ebigambo ebyo era abigamba ani?

(obubonero 02)

(ii) Ayogerwako abavubuka b'omulembe guno abanywamu atya akendo?

(obubonero 10)

(iii) Omuwandiisi azimbye atya oyo ayogerwako ng'omuzira nnamige?"

(obubonero 8)

**Oba**

(b) Omuwandiisi atulingiza atya ku bizibu ebiri ebulaaya?

(obubonero 20)

**Masagazi ne Banne: Balya N'e Nseekeezi**

**Kola 6(a) Oba 6(b).**

6. (a) Soma ekitontome Omusomesa Taata oddemu ebibuuzo ku nkomerero yaakyo.

**OMUSOMESA TAATA**

Omusomesa wange

Nze nkutenda lwa mulimu

Nze nkutenda lwa by'okoze

Nze nkutenda bya nsusso

Ka tukutende owulire,

Watuyisa Mu zzikiza

Nga'otubangula fenna

N'otubangula ebijja

N'otuleetera emmyanso

Tuyigeeyige eby'ensi

N'okulabisa abalala.

**Bikkula**

**5**

Tubatwalire ettaala  
Nebatandika ossuula  
Olw'okumanya kwe watuwa  
Abalala ne babiggiwaza  
Abandi ne baawoowoola  
Olw'okumanya kwe tulina!

Omusomesa owange  
Olw'obukulu bw'alinawo  
Olw'okutendeka abantu  
Ne bayiiyayiiya ebijuna  
Ebitebenkeza ffenna.

Ng'ebyobulamu eby'abasawo  
Ng'ebyemmotoka eby'ekikugu  
Ng'eby'omubbanga ebitambula  
Ng'eby'ebitabo ebiwummuza  
N'ebyebitabo ebijjukiza  
N'ebirala bye simenye  
Nga byonna bya kkula!

Laba bwe ntunula ng'omuntu  
Olw'omusomesa gwe mpaana  
Ne mbeera n'abantu  
Olw'obukozi bw'omusomesa  
Bye mmulojjako tebiggwaayo!  
N'obasomesa nfaafa  
N'obalinyisa entikko  
N'obasomosa ejjenjo  
Ng'obakuutira era  
Mubitwale bye mufunye

Mubigabire abalala  
Bafuneeffune ag'ensi  
Mubagerekere ebyangu  
Eby'obujjuni eby'obwangu  
Kwe kumanya kwe mufunye  
Batebenkere bonna  
Omusomesa oyo!  
Ggwe musomesa azaala  
Ggwe musomesa atendwa!

**Ebibuuzo:**

- i) Biki ebifudde ekitundu kino ekitontome?
- ii) Makuluki agali mu bunyiriri buno
  - n'otuleetera emyanso
  - tuyige eby'ensi
  - n'otulabisa abalala.
- iii) Biki omusomi byaganyulwa mu musomesa?
- iv) Omutontomi asengese atya ekitontome Kino?

(Obubonero 4)

(Obubonero 3)

(Obubonero 5)

(Obubonero 8)

- Oba  
3. (b) Abawandiisi batuzimbidde batya ekitonde ekikazi mu bitontome bya Balya n'enseekesi?  
(Obubonero 20)

Pheobe Mukasa. Jjangu tutontome

Kola 7(a) oba 7(b)

- (a) Soma ekitontome Ebitabo oddemu ebibuuzo ku nkomerero yaakyo.

**EBITABO**

Ebitabo, birina omugaso,  
Birimu amagezi, aga bannaffe,  
Birimu ezzaabu, eya nnamaddala,  
Birimu okuyiga okutagambika!  
Mubisome.

Ebitabo, biringa eggwanika,  
Birimu kalonda, owa buli ngeri,  
Bikuwa okuyiga, by'otamanyiiko,  
Obwongo bugaziwa ky'otosuubira!  
Mubisome.

Ebitabo, muddu mulungi,  
Buli ky'obituma, bikuweereza,  
Birimu ebinyuma, ebya nnamusera!  
Birimu ekiriisa ekitagambika,  
Mubisome.

Ebitabo musimesa nnyo,  
Biyigisa bingi by'otoyizeeko,  
Bibangula omutwe, mu ngeri ya mpola!  
Birimu effeeza, etesimwangako!  
Mubisome.

Ebitabo, tebiwuubaaza,  
Onyumya nnyini, teweeewunikako.  
Birimu emboozu makulu ddala,  
Biwummuza ebirowoozo!  
Mubisome.

Ebitabo, ssente zigenduka,  
Birina omukwano, musendekerevu,  
Omunyuvu nnyini, ogutacaluka,  
Onyumya n'abantu, abatakumanyi!  
Mubisome.



Ebitabo, mukwano gwo ddala,  
 Byo tebyekaanya, tebikukayula,  
 Bigaziya bwongo, ate biwagala,  
 Bikuwonya enjambo ezitabangula!  
 Mubisome.

Ebitabo, kya bugagga nnyo.  
 Birimu amagezi, ameekusifu,  
 Abagezi nfaafa, be tutamanyi,  
 Tubasangamu, ne tunyumya nabo!  
 Mubisome.

**Ebibuuzo:**

- i) Bubaka ki abayizi bwe bafuna mu kitontome Kino. (obubonero 2)
- ii) Omuwandiisi asinzidde ku ki okuddingana ekigambo 'mu bisome' ku buli nkomerero ya stanza? (obubonero 4)
- iii) Ekitontome Kino kizimbiddwa kitya? (obubonero 4)
- iv) Nnyonyola amakulu gebigambo bino nga bwebikozeseddwa mu kitontome ky'osomye.
  - Birimu ezzaabu
  - Bibangula omutwe
  - Amagezi ameekusifu

(obubonero 6)

**Oba**

- (b) Nnyonnyola ebyobuwangwa Phoebe Mukasa by'ayolese mu bitontome bye.

(obubonero 20)

**BIKOMYE WANO.**

335/2  
LUGANDA  
PAPER 2  
July/August 2017  
2½ hours



## WAKISSHA JOINT MOCK EXAMINATIONS

Uganda Certificate of Education

LUGANDA

(Okusoma bwino, eby'obuwangwa ne Litulica)

Olupapula olw'okubiri

Essaawa bbiri n'ekitundu.

### EBIGOBERERWA:

- Olupapula luno lugabanyiziddwamu ebitundu bisatu, A, B, ne C
- Ekitundu A ne B byabuwaze.
- Kitundu C, londamu ebibuuzo bisatu okuva mu butabo obw'enjawulo ng'akamu ku bwo kabitontome.

## EKITUNDU A

1. Soma ekitundu ekikuweereddwa n'oluvannyuma oddemu ebibuuzo ku nkomerero yaakyo.

Ekika kye kibinja ky'abantu nga balina obuzaale n'obujjajja obumu era nga n'ensibuko yaabwe y'emu okuviira ddala ku jjajjaabwe omuberyeberye. Ekika kibeeramu abantu bangi era olw'obungi bwabwe bangi tebamanyagana mu buntu naye nga balina ekibagatta n'okumanyagana ng'omuziro, amannya n'omubala. Ebyo bye bimanyisa nti gundi yeddira omuziro gundi kasita ekimu ku ebyo waggulu kimanyibwa.

Eggwanga ly'Abaganda liyawuddwa mu bika eby'enjawulo wansi wa Kabaka naye ekyewuunyisa kwe kuba nti; okuba mu bika eby'enjawulo tekawulayawula mu Baganda obutafaanana ng'eddiini oba ebibiina by'obufuzi. Abaganda nga bakola ekintu ekibakwatako ng'ekika basosozze naye oluvannyuma bwe kituuka okukolera eggwanga enjawulo eyo eggwaawo mu lutemya lwa liiso.

Mu byafaayo bya Buganda ebiri mu bikumi n'ebikumi by'emyaka tewaaliiwo lunaku nalumu ab'ekika gundi lwe baatabaala ekika ekirala ekiraga obumu n'oluganda lw'Abaganda. Kabaka bwe yakyawa ekika ky'Enjovu n'asalawo okukiyigganya, ekika ekyo kyekekeka mu kika ky'Effumbe ne kibulira omwo olwo Kabaka n'alemwa okukisaanyaawo. Oluvannyuma ng'obuzibu buweddewo, ab'Enjovu baddamu okuba ekika ekigumu newankubadde nga Abaganda bwe baalugera nti, "Akugoba tabulwa ky'akusuuzza," amannya agamu ab'Enjovu ge batuuma gasangibwa ne mu Ffumbe kale ne tutamanya oba ga Ffumbe oba ga Njovu.

Bwebatyo Abaganda balimu we tuwandiikidde bino, ebika ng'ataano mu bibiri (52) naye nga bigenda byeyongera olw'ebika ebimu okugenda nga byekutulamu. Gamba ng'ekika ky'Ennyonyi kati ekirimu: Ennyange, Nakinsige, ngaali, Akasanke, Endiisa n'ebirala. Nga bwe twagambye waggulu, newankubadde Ennyonyi yeekutuddemu naye tewali bulabe bwonna wakati w'ennyonyi ez'enjawulo Nakinsige, Endiisa oba Ennyange. Ate bwe gutuuka okukola nga Abaganda, tewabaawo njawulo yonna wakati w'ebika ebirala okuggyako okuvuganya mu ngeri ey'essanyu n'okwagalana, ng'abo bali wansi wa Ssaabataka, Ssaabaajja Kabaka wa Buganda.

Buli kika kirina obutaka oba ekiggwa gye kisibuka ng'obutaka obwo gemaka ga jjajjaabwe omuberyeberye eyatondawo ekika ekyo. Ekyokulabirako, omutaka omukulu w'ekika ky'Enkima obutaka bwe buli Bbira (Busiro); obwa Ndugwa ow'Olugave buli Katende mu Mawokota, obwa Mukalo ow'Enjovu buli Kambugu mu Kyaddondo, n'abalala bwe batyo mu butaka bwabwe mu bifo eby'enjawulo mu Buganda. Olwokubanga ekinyusi kya Buganda ey'edda kyali mu Busiro na Kyaddondo, n'obutaka obusinga buli mu masaza ago.

(Kisimbuddwa mu: *OBUWANGWA N'ENNONO Z'ABAGANDA*; M. Mutyaba ne E. Kituuka)

### Ebibuuzo:

- Bintu ki ebigatta abantu mu kika n'okumanyagana wadde nga tebeemanyi mu buntu? (obubonero 03)
- Eddiini n'ebibiina by'obufuzi omuwandiisi abyeyambisizza kutuggyirayo ki? (obubonero 03)
- Okuyambagana n'okukolagana mu bika ebyenjawulo kulagiddwa kutya? (obubonero 03)
- Menya ebintu bitaano (5) ebyenjawulo omuwandiisi by'ayogedde ku bika okutandikira mu kiba (Paragraph) ekyokusatu. (obubonero 05)



- (c) Enjogera "Akugoba tabulwa ky'akusuuza," etuukidde etya ku b'Enjovu? (Obubonero)
- (f) Nyonyola amakulu g'ebigambo bino nga bwe byeyambisiddwa mu kitundu ky'osomye. (Obubonero)
- (i) Mu buntu.
- (ii) Lutemya lwa liiso.
- (iii) Batabaala.
- (iv) Bulabe.

Ku buli kibuuza (g, h, i, j) kopolola eky'okuddamu ekisingako obutuufu. (obubonero)

- (g) Buganda ng'ensi.....
- (i) ya byafaayo.
- (ii) ebaddewo okumala ebbanga ddene.
- (iii) terimu bantu batalina bika.
- (iv) erimu ebyafaayo ebyewuunyisa.
- (h) .....kye kyawonya ab'ekika ky'Enjovu obutasaanawo.
- (i) Ekisa kya Kabaka.
- (ii) okulowooza amangu.
- (iii) Ab'Effumbe okujeemera Kabaka.
- (iv) Obuntubulamu bw'Abaganda.
- (i) Ssaabataka mu Buganda.....
- (i) y'afuga Bbira, Katende ne Kambugu.
- (ii) y'amanyi ebifa ku bika.
- (iii) y'akulira abataka abakulu b'ekika.
- (iv) y'avunaanyizibwa ku mannya g'ebika.
- (j) Ebika mu Buganda.....
- (i) bisukka mu ataano mu ebibiri.
- (ii) Kabaka y'abibeezaawo.
- (iii) obutaka bwabyo buli mu Busiro ne Kyaddondo.
- (iv) amannya gaabyo gafaanagana.

### EKITUNDU B

Kola 2(a) ne 2(b)

2. (a) Maliriza engero ezikuweereddwa nga bwezoogerebwa. (obubonero 10)
- (i) Akuyisa enkya.....
- (ii) Enju ezimbwa.....
- (iii) Nkumanyi muze.....
- (iv) Agenekera .....
- (v) Eziruma munno .....
- (vi) Guwedde mirembe.....
- (vii) .....ng'akuzaalira omukazi aloga.
- (viii) .....ng'akuddako mulungi.

- (ix) .....kigiyinga buzito.  
 (x) .....bagitenda ngyo.

(obubonero 5)

- (b) Nyonnyola amakulu g'engero zino wammanga.  
 (i) Ettooke oliwanirira likyali ku mugogo.  
 (ii) Kamwa kabi; katta siroganga.  
 (iii) Esomoka tewoloma.  
 (iv) Zimba nnene; tagikubeera.  
 (v) Abumba akaza awulikikira wala.

### EKITUNDU C

Londa ebibuuzo bisatu okuva mu butabo obwenjawulo nga akamu ku bwo ka bitontome.

C. Kalinda : Pawulo Kirimuttu.

*Kola 3(a) oba 3(b)*

3. (a) "Weebale nnyo eddiini eyo era kyandibadde kirungi ofuuke omwawule."  
 (i) Ani ayogera ebigambo ebyo era abigamba ani? (obubonero 4)  
 (ii) Omwogezi ateggeeza ddiini ki eyo? (obubonero 2)  
 (iii) Nnyonnyola eby'okuyiga eby'enjawulo okuva mu ssula eyo. (obubonero 14)

oba

- (b) Laga abantu ab'enjawulo abaayamba Paulo Kirimuttu n'engeri gye baamuyambamu mu bulamu bwe mu lugero. (obubonero 20)

Mukasa .G. Robert: Tokiiya Dnonge nto.

*Kola 4(a) oba 4(b)*

4. (a) .....Bwe yabimalaayo nnyina yassa ekikkowe n'agamba nti, "Mmm, bulijjo ndi mu kulya nga katonga ajjula!"  
 (i) Ani abaako ne byamalayo wano? (obubonero 2)  
 (ii) Nnyina ani gw'aba abibuulira? (obubonero 2)  
 (iii) Mu bimpimpi ayogerwako biki by'aba amaliddeyo nnyina? (obubonero 8)  
 (iv) Biki ebiviirako anyumiza nnyina wano okwonooneka mu mpisa? (obubonero 8)

oba

- (b) Nnyonnyola engeri omuwandiisi gy'afaananyizzaamu Tokiiya n'abaana b'omulembe guno. (obubonero 20)

W. Kiyingi: Gwosussa Emmwany.

*Kola 5(a) oba 5(b)*

5. (a) Nnyonnyola ku bintu ebiyinda okunyiiza abakyala nga basinziira ku muwandiisi by'akozesa abakazi mu muzannyo. (obubonero 20)

oba

- (b) Nnyonnyola okusoomoozebwa Paulo Ssekalegga kw'asisinkana mukwetantala  
e kibuga. (obubonero 20)

**P. Mukasa : Jjangu Tutontome.**

**Kola 6(a) oba 6(b)**

6. (a) Soma ekitontome ENJU EGGYA n'oluvannyuma oddemu ebibuuzo ku nkomerero yaakyo.

**ENJU EGGYA**

Baatuzukusa mu tulo,  
Omuliro gutinta nnyo,  
Ewa muliraanwa ebbali,  
Ng'eriyo omuteeru!

Twamaguka n'essungu,  
Okutuzuukusa mu tulo,  
Nga tuwulira okuleekaana,  
Nga waliwo akabenje!

Twawulira n'enduulu,  
Nga zisattiza ekyalo,  
Okwambala mu luggya,  
Nga tweyuna okuyamba!

Okulengera emmanju,  
Ng'ewa muliraanwa ssebo,  
Ennyumba eteta butesi,  
Ng'eringa oluyiira!

Twayanguwako nnyo,  
Okuddusa obuyambi,  
Endagala twazitwala,  
Ne tutwala n'amazzi!

Abantu baddusa obulobo,  
Nga bakirako amagabi,  
Nga battinattina baaba,  
Okutuuka ku muyiira!

Nakulabira omuliro,  
Ogwabumbujja obulala,  
Ogwa bbululu, ogwa kyenvu  
Awamu ne kipaapaali!

Nakulabira ensasi,  
Bwe zimansuka okukamala,  
Ne tuwunyirwa evvumbe,  
Olw'eminya egiyidde!

Nakuwulirira ebbugumu,  
Bwe litanyiza abantu  
Ne nkulabira entuuyo,  
Bwe zittulukuka abantu!

**Bikkula**

5



Erikka ne litimbagana,  
 Ne litaayiza ekyalo,  
 Ng'olwo okukanula amaaso,  
 Amaziga ge gakunnumba!  
 Abantu baakola omulimu,  
 Ogw'okusikayo abaana,  
 Ogw'okusikayo obubuzi,  
 Okubuwonya okufuuka evvu!  
 Obwana bwalira okukamala,  
 Obukoko ne bukokkoleza,  
 Obuliga bwayana ggwe wamma,  
 Nga bulaajana bulala!  
 Ebintu baabisomba nnyo,  
 Naye nga bikuumwa nnyo,  
 Olw'okutangira agabbi,  
 Anti nga ge malindirizi!  
 Amamese twagalaba,  
 Nga geefubitika obusiko,  
 Nga gadduka ekibambulira,  
 Nga gawenyuka bulala!  
 Amaaso gaatutwakaala,  
 Amaziga ne gakuuluula,  
 Ennyindo ne tufeesa nnyo,  
 Nga birectebwa enkoomi!  
 Waaliwo obuluulu nnyo,  
 Awamu n'okuvuvuuma,  
 Okutulikatulika,  
 Okwawulikikanga ennyo!  
 Empewo yafuuwa nnyo,  
 Abaali mu muyonga,  
 Nga babanoonyeza ennyumba,  
 Aw'okubudama mu kiro!  
 Abookerezi bannaffe,  
 Ettima mukola lya ki?  
 Lwaki okujoonyesa banno,  
 Ng'obabonyaabonya bw'otyo!

**Ebibuuzo:**

- (i) Menya ebifaananyi omuwandiisi by'akozesezza mu kitontome kino. (obubonero 6)
- (ii) Bukodyo ki obwenzimba omuwandiisi bw'akozesezza? (obubonero 5)
- (iii) Nyonyola obubaka obuli mu sitanza esembayo. (obubonero 3)
- (iv) Biki ebibaawo ng'enju eggya? (obubonero 6)
- oba
- (b) "Aboogezi b'Olulimi Oluganda mwandibadde temusubwa mukisa kubeerako nako mu maka gammwe." Nyonyola ebigwanyiza aboogezi b'Olulimi Oluganda okubeera n'akatabo Jjangu tutontome? (obubonero 20)

**Masagazi ne Banne : Balva n'Ensekeezi.**

7. (a) Kola 7(a) oba 7(b)  
Soma ekitontome LUTAAYA, oddemu ebibuuzo ku nkomerero yaakyo.

**LUTAAYA**

Philly Bbongole Lutaaya  
Munnaggomba ow'erinnya  
Munnabutambala omumanyifu  
Munnayuganda ow'ettendo!  
Lutaaya yayimba ebirungi,  
Ennyimba ze matendo masa.  
Lutaaya yayigiriza ensi ggwe,  
Ennyimba ze kyakuyiga nnyo.  
Lutaaya yakolera ensi eno,  
Ennyimba ze zitumbula okuyimba.  
Lutaaya yatumbula ensi eno,  
Ennyimba ze zizimba eggwanga.  
Lutaaya yabudaabuda abantu  
Akoowoola abali ku mawanga.  
Lutaaya mwoyo gwafirika nnyo,  
Yeewaana nti ye Mufirika.  
Lutaaya yayagala Afirika  
Yeenyumiririza nnyo mu Bufirika.  
Lutaaya yasomoka mbiro naye!

Philly Bbongole Lutaaya  
Munnaggomba ow'erinnya  
Munnabutambala omumanyifu  
Munnayuganda owettendo!

Lutaaya yayimba otulo,  
Yalaba e Ntebe nga wala.  
Lutaaya yakooowa okwegomba,  
Yalaba obuzibu bwa 'Falanga'  
Lutaaya yakakasa obuzaale,  
Nti yazaalwa mu Afirika  
Lutaaya alabula ku byobuwangwa  
Yalaga obukulu bw'emiziro.  
Lutaaya n'ebirala yayimba:  
Ebyeddiini nabyo yayimbako,  
Lutaaya obwomu yabwogerako.  
Nti butiisa bwennyamiza.  
Lutaaya yasomoka mbiro naye!

Philly Bbongole Lutaaya  
Munnaggomba ow'erinnya  
Munnabutambala omumanyifu  
Munnayuganda owettendo!

Lutaaya yateesa ebirungi  
Yayagala okugatta abayimbi.  
Lutaaya yali muyambi era,  
Yayagala abanaku n'abaavu  
Lutaaya yalabula ensi ye,  
Obulwadde siriimu butta bubi.  
Lutaaya yasomesa abantu,

Mukenenya tataliza tatyā.  
Lutaaya yawa ensi amagezi.  
Awonye amabujje okusekwa.  
Yayimba ennyimba alabule,  
Ng'alagula ku kizibu ekizze.

Yasaba abo abalwazizza,  
Bayambwe bafune obuyambi  
Balagwe omukwano guli era  
Bawone okutya oggenda.  
Yasaba abo abatannalumbwa,  
Bayambe abalumbiddwa.  
Lutaaya yasomoka mbiro naye!

Philly Bbongole Lutaaya  
Munnaggomba ow'erinnya  
Munnabutambala omumanyifu  
Munnayuganda ow'ettendo!

Mu biseera bye eby'eyagaza ennyo  
Mu biseera eby'amasanyu ennyo  
Mu biseera eby'emikisa ennyo  
Mu ttutumu ery'ekitalo ennyo  
Mukujaganya kw'abazadde be  
Mu bbanga ly'okuweerwa kwe  
N'ossasulwa olw'ebirungi bye  
Mu kiseera eky'okunyaga kwe  
N'okuwangula olutalo lwe  
Adde ku butaka akkalire  
N'asalawo oggenda e Zzangwa!  
Lutaaya yasomoka mbiro naye.

Philly Bongole Lutaaya  
Munnaggomba ow'erinnya  
Munnabutambala omumanyifu  
Munnayuganda owettendo.

**Ebibuuzo:**

- (i) Nnyonnyola engeri ekitontome kino gye kisengekeddwamu. (obubonero 8)
- (ii) Omuwandiisi yeeyambisizza bukodyo ki okufuula ekitontome kino ekinyuvu? (obubonero 6)
- (iii) Nnyonnyola omulamwa oguli mu sitanza ey'okuna. (obubonero 2)
- (iv) Nnyonnyola amakulu g'ebigambo bino nga bwe bikozezeddwa mu kitontome: (obubonero 4)
  - Zitumbula
  - Yeenyumiririza
  - Bwennyamiza
  - Oggenda

oba

- (b) Nnyonnyola eby'obuwangwa byetuyiga mu bitontome bya Balya Nensekeezi. (obubonero 20)

**BIKOMYE WANO**



335/2  
LUGANDA  
PAPER 2  
July/August 2018  
2½ hours



## WAKISSHA JOINT MOCK EXAMINATIONS

Uganda Certificate of Education

LUGANDA

(Okusoma bwino, eby'obuwangwa ne Litalica)

Olupapula olw'okubiri

Essaawa bbiri n'ekitundu.

### EBIGOBERERWA:

- Olupapula luno lugabanyiziddhwa ebitundu bisatu, A, B, ne C
- Ekitundu A ne B byabuwaze.
- Kitundu C, londamu ebibwazo bisatu okuva mu butabo obw'enjawulo ng'akamu ku bwo kabitontome.

1. Soma ekitundu ekikuweereddwa n'oluvannyurna oddemu ebibuuzo ku nkomerero yaakyo. (Obubonero 25)

Ekika kye kibinja ky'abantu nga balina obuzaale n'obujajja obumu era nga n'ensibuko yaabwe y'emu okuviira ddala ku jjajjaabwe omuberyeberye. Ekika kibeeramu abantu bangi era olw'obungi bwabwe bangi tebamanyagana mu buntu naye nga balina ekibagatta n'okumanyagana ng'omuziro, amannya n'omubala. Ebyo bye bimanyisa nti gundi yeddira omuziro gundi kasita ekimu ku ebyo waggulu kimanyibwa.

Eggwanga ly'Abaganda liyawuddwa mu bika eby'enjawulo wansi wa Kabaka naye ekyewuunyisa kwe kuba nti; okuba mu bika eby'enjawulo tekawulayawula mu Baganda obutafaanana ng'eddiini oba ebibiina by'obufuzi. Abaganda nga bakola ekintu ekibakwatako ng'ekika basosoze naye oluvannyuma bwe kituuka okukolera eggwanga enjawulo eyo eggwaawo mu lutemya lwa liiso.

Mu byafaayo bya Buganda ebiri mu bikumi n'ebikumi by'emyaka tewaaliwo lunaku n'olumu ab'ekika gundi lwe baatabaala ekika ekirala ekiraga obumu n'oluganda lw'Abaganda. Kabaka bwe yakyawa ekika ky'Enjovu n'asalawo okukiyigganya, ekika ekyo kyekweka mu kika ky'Effumbe ne kibulira omwo olwo Kabaka n'alemwa okukisaanyaawo. Oluvannyuma ng'obuzibu buweddewo, ab'Enjovu baddamu okuba ekika ekigumu newankubadde nga Abaganda bwe baalugera nti. "Akugoba tabulwa ky'akusuuza," amannya agamu ab'Enjovu ge batuuma gasangibwa ne mu Ffumbe kale ne tutamanya oba ga Ffumbe oba ga Njovu.

Bwebatyo Abaganda balimu we tuwandiikidde bino, ebika ng'ataano mu bibiri (52) naye nga bigenda byeyongera olw'ebika ebimu okugenda nga byekutulamu. Gamba ng'ekika ky'Ennyonyi kati ekirimu:

Ennyange, Nakinsige, nqaali, Akasanke, Endiisa n'ebirala. Nga bwe twaganbye waggulu, newankubadde Ennyonyi yeekutuddemu naye tewali bulabe bwonna wakati w'ennyonyi ez'enjawulo Nakinsige, Endiisa oba Ennyange. Ate bwe gutuuka okukola nga Abaganda, tewabaawo njawulo yonna wakati w'ebika ebirala okuggyako okuvuganya mu ngeri ey'essanyu n'okwagalana, ng'abo bali wansi wa Ssaabataka, Ssaabasajja Kabaka wa Buganda.

Buli kika kirina obutaka oba ekiggwa gye kisibuka ng'obutaka obwo gemaka ga jjajjaabwe omuberyeberye eyatondawo ekika ekyo. Ekyokulabirako, omutaka omukulu w'ekika ky'Enkima obutaka bwe buli Bbira (Busiro); obwa Ndugwa ow'Olugave buli Katende mu Mawokota, obwa Mukalo ow'Enjovu buli Kambugu mu Kyaddondo, n'abalala bwe batyo mu butaka bwabwe mu bifo eby'enjawulo mu Buganda. Olwokubanga ekinyusi kya Buganda ey'edda kyali mu Busiro na Kyaddondo, n'obutaka obusinga buli mu masaza ago.

(Kisimbuddwa mu: *OB UWANGWA N'ENNONO Z'ABAGANDA: M. Mutyaba ne E. Kituuka*)

**Ebibuuzo:**

- (a) Buntu ki ebigatta abantu mu kika n'okumanyagana wadde nga tebeemanyi mu buntu? (Obubonero 03)
- (b) Eddiini n'ebibiina by'obufuzi omuwandiisi abyeyambisizza kutuggyirayo ki? (Obubonero 03)



- (c) Okuyambagana n'okukolagana mubika eby'enjawulo kulagiddwa kutya? (Obubonero 03)
- (d) Menya ebintu bitaano (5) eby'enjawulo omuwandiisi by'ayogedde ku bika mu kiba. (Paragraph) ekyokusatu. (Obubonero 05)
- (e) Enjogera "Akugoba tabulwa ky'akusuza," etuukidde etya ku b'Enjovu? (Obubonero 03)
- (f) Nyonyola amakulu g'ebigambo bino nga bwe byeyambisiddwa mu kitundu ky'osomye. (Obubonero 04)
- (i) Mu buntu.
  - (ii) Lutemya Iwa liiso.
  - (iii) Baatabaala.
  - (iv) Bulabe.

Ku huli kibuuza (g, h, i, j) koppolola eky'okuddamu ekisingako obutuufu. (Obubonero 04)

- (g) Buganda ng'ensi.....
- (i) ya byafaayo.
  - (ii) ebaddewo okumala ebbanga ddene.
  - (iii) teriimu bantu batalina bika.
  - (iv) erimu ebyafaayo ebyewuunyisa.
- (h) .....kye kyawonya ab'ekika ky'Enjovu obutasaanawo.
- (i) Ekisa kya Kabaka.
  - (ii) Okulowooza amangu.
  - (iii) Ab'Effumbe okujeemera Kabaka.
  - (iv) Obuntubulamu bw'Abaganda.
- (i) Ssaabataka mu Buganda.....
- (i) y'afuga Bbira. Katende ne Kambugu.
  - (ii) y'amanyi ebifa ku bika.
  - (iii) y'akulira abataka abakulu b'ebika.
  - (iv) y'avunaanyizibwa ku mannya g'ebika.
- (j) Ebika mu Buganda.....
- (i) bisukkamu ataano mu ebibiri.
  - (ii) Kabaka y'abibeezaawo.
  - (iii) obutaka bwabyo buli mu Busiro ne Kyaddondo.
  - (iv) amannya gaabyo gafaanagana.

### EKITUNDU B

*Kola 2(a) ne 2(b)*

2. (a) Maliriza engero zino nga bwe zoogerebwa. (Obubonero 10)
- (i) .....y'agaggyako omukkuto.
  - (ii) Emyungu emiwagiikirize .....
  - (iii) Ab'omugumu baba bakaaba.....
  - (iv) .....akuba awumba engalo.

**Bikkula**



- (v) Batta miggya .....
- (vi) Ofunda n'omuliika.....
- (vii) Enkoko y'omwavu .....
- (viii) ..... bw'etabba n'eyigga.
- (ix) Ezenkanankana n'ebisiki .....
- (x) Eriiso ly'omukulu .....

- (b) Engero zino zituyigirizaaki mu bulamu bwaffe obwa bulijjo? (Obubonero 5)
- (i) Wakka awunya "nga ggw'omulumbye ku nswa ze".
  - (ii) Eyawukana ku mugendo efuuka kaasa.
  - (iii) Asiika obulamu tassa mukono.
  - (iv) Oluyitaayita lukira oluliira ku nkoligo.
  - (v) Omukwano gw'abato gufa nseko.

### EKITUNDU C

**Ddamu ebibuuzo bisatu (3) byokka okuva mu butabo obw'enjawulo ng'akamu ku bwo ka bitontorne.**

C. KALINDA: Pawulo Kirimutta

#### Kola 3(a) oba 3(b)

3. (a) Nnyabo ekisiraani Kino ani akireese ku kyalo kyaffe. Bannange ekisajja tekifanga era! ng'omuntu alabye.
- i) Baani aboogeraganya mu mbooji eno? (Obubonero 2)
  - ii) Aboogeraganya baali bakola ki? (Obubonero 2)
  - iii) Bintu ki ebiraga nti ebisiraani bigoberera omuntu ayogerwako mu mbooji eyo waggulu mu lugero lwonna? (Obubonero 16)

oba

- (b) Nnyonnyola ensonga eziraga nti ebizibu ebituuka ku Pawulo yabyetuusaako ye kennyini. (Obubonero 20)

ROBERT .G. MUKASA: Tokiiya njonge nta

#### Kola 4(a) oba 4(b)

4. (a) "Newankubadde Tokiiya ayita mu kusoomoozebwa, alina bingi ebireetera omusomi okumwesiimisa." Leeta ensonga ezimwesiimisa. (Obubonero 20)

oba

- (b) Bantu ki abayamba tokiiya okutuuka ku buwanguzi era bamuyambanga batya? (Obubonero 20)

W. KIYINGI: Gwosussa Emmwany

Kola 5(a) oba 5(b)

5. (a) "Abakazi bafunye ebbeetu kumulundi guno ne bakamala, omukazi owange anjasaniza atya akanwa?" (Obubonero 2)  
i) Ani ayogera ebigambo byo era abigamba ani? (Obubonero 4)  
ii) Biki ebyali bya kabaawo  
iii) Laga ebintu ebyeyolekeramu ebbeetu ly'abakazi mumuzanyo guno. (Obubonero 14)

oba

- (b) Bw'osoma omuzanyo guno nneeyisa ki ez'abantu ez'enjawulo omuwandiisi z'afaanana okuvumirira era lwaki? (Obubonero 20)

PHOEBE MUKASA: Jjangu tutontome

Kola 6(a) oba 6(b)

6. (a) Soma ekitontome OBUFUMBO oddemu ebibuuzo.

**OBUFUMBO**

Obufumbo bwa leero bwa nkalu,  
Bw'olaba abunyweredde mwagale,  
Bunobyanobya abakazi,  
Bubakamula entuuyo,  
Bubaleetera obuzibu,  
Bw'oweerwa n'obuwangaaza ng'owonye!

Obufumbo bwa leero bwa ngeri,  
Bw'olaba abuzannyirako mwamuke,  
Busitunkanya abakazi,  
Babatambuza sserebu,  
Bubatwala mu bbaala,  
Bw'osanga anaabutuukiriza cryo ssanyu!

Obufumbo bwa leero bwa mmunye!  
Abawala bataayaaya mu kkubo  
Banakuwaza abakulu,  
Tebayanjula basajja,  
Babatwalira awo,  
Omuwala omuteefu ennyo akubula!

Olumutuusa mu nnyumba ng'akaga,  
Obugole abusudde eri ku bbali,  
Atandika okufumba,  
Emmere misumaali,  
Kuwaata takuyinza,  
Ate omuwala omubuulirire omujja wa?

Bikkula

Bwa kiyita mu luggya nnyo bannyabo,  
 Omuwala atali mubuuliririre wa nkalu,  
 Asegenyeza emhambo,  
 Tamanyi kufumba nva,  
 Ebintu tabituukiriza.  
 Ggwe ng'anaabibuuza ani abimanyi!

Omusajja. olw'okulaba omuwala  
 Nga naye amulenze eri mu kkubo  
 Atandika okujooga,  
 Akola bwa malaaya,  
 Oluusi asula bweru,  
 Ekitiibwa ng'akimuggyemu omukazi.

Bw'alaba bituuse awo nno nnyabo,  
 Ng'asibasiba ebintu ng'atema,  
 Atandika okupanga.  
 Omuzigo mu banne,  
 Obufumbo bufudde,  
 Olwo nga kireereese wa kkumi!

Mbakubira omulanga nno bannyabo,  
 Mbakubiriza bannange bassebo.  
 Mufube okuyamba,  
 Munyiikire okukuuma,  
 Abaana ba muwendo.  
 Eggwanga lifune obufumbo obw'empisa.

#### **Ebibuuzo:**

- (i) Mukasa atukubidde bifaananyi bya ngeri ki mu kitontome kino? (Obubonero 4)
- (ii) Nnyonnyola ku nsengeka y'ekitontome kino. (Obubonero 6)
- (iii) Omuwandiisi yeyambisizza bukodyo ki okufuula ekitontome kino ekyangu? (Obubonero 5)
- (iv) Nnyonnyola amakulu g'ebigambo bino: (Obubonero 5)
  - Abunyweredde
  - Mwamuke
  - Kiyita mu luggya
  - Ng'atema
  - Takuyinza

#### **Oba**

- (b) Nnyonnyola ebyo ebinyigiriza obulamu bw'abantu nga Phoebe bwabitulaga mu bitontome bye. (Obubonero 20)



Kola 7(a) oba 7(b)

7. (a) Soma ekitontome ABAFUZI ABAZZE oddemu ebibuuzo ku nkomerero yaakyo.

ABAFUZI ABAZZE  
Omuzungu yatutta nnyo  
Bwe bufuzi bwe ndojja  
Butuliddeko abantu  
Butuliddeko obyalo  
N'amayisa amantu.

Buganda yafiirwa nnyo  
Be bantu baffe be nkulaga  
Be tutenda abandijunye  
Obuganda bwaffe obuliwo  
Amagezi gaabwe ago,  
Tugakaaba twandifunye  
Ebirungi nantabalwa.

Ka nkumenyere abatono  
Ye Kiwanuka owaffe  
Eyalangibwa amazima  
Olw'okukula kwa Nnyaffe  
Olw'omululu gw'abafuzi  
N'atulekera omuliro  
Ogw'abafuzi gwe bakumye!

Ku Miteesa gyaffe wano  
Nga Muteesa waffe alamula  
Baamusingisa enkaaga  
Mu Buganda eradde  
Ne batabangula eddembe  
Olw'obufuzi bwe ndojja.

Ggwe menya kube simenye  
Abaatusiibula amangu  
Olw'obufuzi bwe ndojja  
Kankikinale mbuuzo,  
Obuganda bwazzaaki?  
Okulangibwa abazzi,  
Olw'ebirungi bye tulina!

Ka nseyegguke ndojje  
Era nkutendere ebirala  
Ebyoobufuzi obuzzi.  
Luno Lubiri lwaffe luno

Baalutwala baatumira!  
Omutanda yandizze,

N'atubuulira eby'edda  
Ne tutebenkera ifena!

Obulange bwaffe obwo  
Baali baabutwala baabwezza  
Ne babufuula obwa bonna  
So nga bwali bwa Nnyinimu!  
Eyandinunudde ebya Nnyinimu.

Baabutwala baabwezza  
Ensimbi zaali za Nnyinimu  
Baazisona baaziweza  
Baagulumiz'ennyumba  
Agisange ng'Atuuse.

Mmaliriza nhamba  
Teubaleebale ebintu  
Tutunuulire abantu  
Balitambula amangu  
Ebyayonooneka ebintu  
Olw'Abafuzi baffe bano  
Tutebenkeze eggwanga  
Nga tugoberera ensonga  
Ezibakyayisa abantu  
Atebenkere Nnyaffe  
Ku lwa Katonda n'Ensi yange.

- (i) Bizibu ki abafuzi abazze bye batuusa ku nsi yaffe? (Obubonero 4)  
(ii) Nnyonnyola ku lulimi Omuwandiisi lweyeyambisizza. (Obubonero 4)  
(iii) Ennyiriri zino zirina makulu ki? (Obubonero 4)  
- N'amayisa amantu  
- Mu Buganda eradde  
- Obulange bwaffe obwo  
- Atebenkere Nnyaffe  
(iv) Obukugu bw'omutontomi abwolesezza atya mu kitontome kino? (Obubonero 8)

- (b) <sup>oba</sup> Abagamba balungi balagiddwa batya mu bitontome bya Balya n'Enseekeezi? (Obubonero 20)

**BIKOMYE WANO.**